



ル 5
3610
7



門凡 3
號 3610
卷 7

三州輯畧卷之七

藝文門上

謹案太史公南遊江淮上會稽探禹穴闢九疑浮
沅湘涉汶泗西徵巴蜀南畧邛笮昆明周歷數十
載著書百萬言李太白遊江淮汶濟西經梁益南
窮滇池夜郎過洞庭彭蠡客遊數千里吟詩千首
邵康節生平所遊歷不過走吳適楚過齊魯客梁
晉久之歸洛曰道在是矣遂傳元天之學脫令三



子者馳驅於萬里之外如羅娑耨勃律濛池履文
 教不加之地覩詭風譎俗之奇則龍門之集青蓮
 之什河洛之書必將發奇思占奇句要其會心未
 有不奇而法者蓋宇宙間無分遐邇大而象緯山
 川細而蟲魚草木無往而非文無往而非詩即無
 往而非道也西域通自漢唐而宋元明罕傳其蹟
 國朝闢新疆四十餘年恐有提槩懷鉛吟披嘯詠於
 其間而湮沒不傳者爰博採以觀乎人文亦足徵

化成天下之盛云

漢張騫碑

在伊犁南山文字剝蝕餘二十字

進鴻鈞於七五遠華西以八千南接火藏北抵大宛

漢裴岑碑

在巴里坤城北 關帝廟

維漢永和二年八月敦煌太守雲中裴岑將部卒五千
 人誅呼衍王斬馘部衆克敵全師除西河之叛蠲四郡
 之害邊境乂安誠威武無二建祠以志萬世

西域圖記序

臣聞禹定九州導河不踰積石秦兼六國設防止及臨洮故知西胡異種僻居遐裔禮教所不及書典所罕傳自漢氏興基開拓河右始稱名號者三十六國其後分立乃五十五王仍置校尉都護以存招撫叛服不恒屢經征伐後漢之世頻廢此官雖大宛以來畧知戶數而諸國山川未有名目至如姓氏風土服章物產全無纂錄世所未聞復以春秋遞謝年代久遠兼并誅討互有

西域圖記序

隋尚書左丞 裴矩

臣聞禹定九州導河不踰積石秦兼六國設防止及臨洮故知西胡異種僻居遐裔禮教所不及書典所罕傳自漢氏興基開拓河右始稱名號者三十六國其後分立乃五十五王仍置校尉都護以存招撫叛服不恒屢經征伐後漢之世頻廢此官雖大宛以來畧知戶數而諸國山川未有名目至如姓氏風土服章物產全無纂錄世所未聞復以春秋遞謝年代久遠兼并誅討互有

三少車畧 卷之七 三
興亡或地是故邦改從今號或人非舊類因襲昔名兼
復部民交錯封疆改移戎狄音殊事難窮驗于闐之北
葱嶺以東考於前史三十餘國其後更相屠滅僅有十
存自餘淪沒掃地俱盡空有邱墟不可記識皇上膺天
育物無隔華夷率土黔黎莫不慕化風行所及日入以
來職貢皆通無遠不至臣旣因撫納監知關事尋訪書
傳採訪胡人或有所疑卽譯衆口依其本國服飾儀形
王及庶人各顯容止卽丹青模寫爲西域圖記共成三

卷合四十四圖仍別造地圖窮其要害從西傾以去北
海之南縱橫所亘將二萬里諒由富商大賈周游經涉
故諸國之事罔不徧知復有幽荒遠地卒訪難曉不可
憑虛是以致闕而二漢相踵西域爲傳戶民數十卽稱
國王徒有名號乃乖其實今者所編皆千餘戶利盡西
海多產珍異其山居之屬非有國名卽部落小者多亦
不載發自敦煌至於西海凡爲三道各有襟帶北道從
伊吾經蒲類海鐵勒部突厥可汗庭度北流河水至拂

蒜國達於西海其中道從高昌焉耆龜茲疏勒度葱嶺
又經鑿汗蘇對沙那國康國曹國何國大小安國穆國
至波斯達於西海其南道從鄯善于闐朱俱波喝盤陀
度葱嶺又經護密吐火羅挹怛怛延曹國至北波羅門
達於西海其三道諸國亦各有路南北交通其東女國
南波羅門國等並隨其所往諸處得達故知伊吾高昌
鄯善並西域之門戶總湊敦煌是其咽喉之地以國家
威德將士驍雄汎濛汎而揚旌越崑崙而躍馬易如反
掌何往不至但突厥吐渾分領羌胡之國爲其所擁遏
故朝貢不通今並因商人密送誠欵引領翹首願爲臣
妾聖情涵養澤及普天服而撫之務存安輯故皇華遣
使弗動兵車諸蕃旣從渾厥可滅混一戎夏其在茲乎
不有所紀無以表威化之遠也

交河道行軍總管右臻衛將軍上柱國
 軍十五萬 交河道行軍總管左武衛將軍上柱國既
 械縣開國公牛進達領兵十五萬
 昔匈奴不滅竇將軍勒燕山之功闕越未清馬伏波樹
 銅柱之烈然則振英風於絕域申壯猷於殊方莫不騰
 實於缺播芳猷於亘古者矣缺 大唐德合二儀
 道高五帝握金鏡以朝萬國調玉燭以馭兆民濟濟冠

唐左屯衛將軍姜行本勒石碑文

在巴里坤東南松樹塘

交河道行軍總管右臻衛將軍上柱國

缺 派吳仁領右

軍十五萬 交河道行軍總管左武衛將軍上柱國既

械縣開國公牛進達領兵十五萬

昔匈奴不滅竇將軍勒燕山之功闕越未清馬伏波樹

銅柱之烈然則振英風於絕域申壯猷於殊方莫不騰

缺 實於

播芳猷於亘古者矣缺

大唐德合二儀

道高五帝握金鏡以朝萬國調玉燭以馭兆民濟濟冠

裳煌煌禮樂車書順軌扶桑之表俱同治化所沾濛汜
 之鄉咸暨苑天山而池瀚海內比戶以靜幽都莫不解
 髮辨於缺街改左社於缺高昌國者乃是西漢屯田
 之壁遺兵之所居麴文泰卽其苗裔也洎因晉室多難
 羣雄競馳中原乏主邊隅遂隔間屈我於缺多拔王摩
 謁至今靡遺啟政自皇威遠被稽顙來庭雖
 沐仁風情懷首鼠杜遠方之職貢阻重譯之遠來肆豺
 狼之心起蜂蠆之毒缺德聚缺賊盛無已聖上懲

彼蒼生申茲弔伐乃詔使持節光祿大夫吏部尙
 書上柱國陳國公侯君集交河道行軍大總管副總管
 左屯衛大將軍上柱國永安郡開國公薛萬均副總管
 左屯營將軍上柱國通川縣開國男姜行本等爰整三
 軍張行天罰但妖氛未殄將軍逞七縱之威百雉作圍
 英奇申九攻之畧以通川公深謀間出妙思縱橫命缺
 前軍營造攻具乃統沙州刺史上柱國望都縣開國侯
 劉德敏右監門中郎將上柱國淮安縣開國公衡智錫

左屯衛中郎將上柱國富陽縣開國伯屈昉左武侯郎
將李海崖前開州刺史時德衡右監門府長王進威等
並率驍雄鼓行而進以貞觀十四年五月十日師次伊
吾時羅漫山北登里紺所未盈旬克成奇功伐木則山
林殫盡叱咤則川谷蕩薄衝梯蹙缺百缺冰碎機槽一
發千石雲飛墨翟之拒無施公輸之妙詎比大總管運
籌帷幄繼以中軍鐵騎亘原野金鼓動天地高旗蔽日
月缺長戟彗雲缺自秦漢出師未有如斯之盛也班定

遠之通西域故烈罕存鄭都護之滅車師空聞前史雄
圖世著彼獨何人勒石紀功傳諸不朽其詞曰於赫大
唐受天明命化齊得所功無極竟荒服猶阻夷居不定
乃拜將軍殄茲梟獍 六奇動思羣雄逞力陣開龍騰
營缺測缺麗星光旗明日色揚旌塞外振威西極
峩峩峻嶺渺渺平原塞雲暝結潮風晝昏缺長紀缺

銘功讚德缺

大唐貞觀十四年歲次庚子閏六月丁卯朔缺立

瓜州司法參軍河內司馬太貞詞具

西陲紀畧

唐鍾輅續前定錄載李逢吉家老婢善代人作夢今在
 巴里坤有貝子哀布所屬之厄魯特名吞吐者善代人
 作夢人有以事問者先告以所祈越日吞吐以夢告之
 事無不驗

西域蒙古祈雨以砮答浸水中咒之輒有驗其人亦名
 砮答齊砮答生牛馬驢羊諸畜腹中在腎者尤長形如
 鸚鵡嘴者為最重太可如拳色或黃或白堅如石生畜

腹中畜漸羸瘦久則死生剖得者爲靈物宋牧仲冢宰
筠廊偶筆載崇禎甲申七月季家馬生卵紅白相間重
三筋小者筋許凡三枚大者如升質色如雀卵考之書
凡獸皆有之名曰砮答治奇疾難名者生牛馬腹中者
良觀此可知砮答古已有之不特可以祈雨兼可以治
疾也

貝子袞布所屬有砮答齊者雍正十一年祈雨頗驗既
而霖雨不止自陳於帥府旣優渥矣宜止之無使爲禾
患帥府優賞而遣之雨亦未卽止也雍正十二年又使
祈雨久不應乃曰喇嘛相妬爲抗耳旣而哈密貝子額
敏遣其砮答齊以砮答石試之翼日雨

有自安西獻鐵假面於帥府云得之土中長可五寸餘
寬三之二兩目及鼻口皆竅焉色如柿漆鍍銀爲白周
圍小孔二十有六蓋以綴於護頰者定爲漢唐時物殆
卽蘭陵王之假面狄武襄之銅面具耶

巴里坤南山老松高數十尋大可百圍蓋數千載未見

斧斤物也其皮之厚者尺許向有攜以入內地者特以罕觀示奇然未知主治置之茶肆中肆者雜入茶內飾色而售隣媪弱病久不愈日買茶而飲焉未幾病如失詢之肆者具以實告於是知松皮之為功懋矣帥府令人就山斫而煉為膏凡皮一車可得膏一盞費工力一晝夜需薪無算也醫院劉裕鐸邵正文參定主治十二症刊而布之大要皆治血症而於婦人為尤宜然性最熱用可數分耳

迴鶻

舊唐書回紇傳元和四年謫得曷里祿沒弭施合密里迦可汗遣使願改為迴鶻義取旋迴轉捷如鶻也今考回疆自哈密至喀什噶爾皆其種類也

木乃伊

陶宗儀輟耕錄回回有年七八十歲老人自願捨身濟眾者絕不飲食惟澡身啖蜜經月便溺皆蜜既死國人殮以石棺仍滿以蜜浸鑄志歲月於棺蓋瘞之俟百年

後啟封則蜜劑也凡人損折肢體食少許立愈彼國人亦不多得俗曰蜜人回語木乃伊

高昌謠

高昌卽今之吐魯番唐書高昌國傳先是其國童謠云高昌兵馬如霜雪漢家兵馬如日月日月照霜雪回首自消滅麴文泰始捕其初唱者不能得

火州靈山記

楊應琚

火州安樂城西北百里外有靈山在焉四面青壁斗絕周行約二十餘里溪澗中五色沙石雲沉電射騎馬驚鳴入山步行十數里雙崖門立石色鬚黑皺畫細若毛髮上有古松數株垂枝伸爪穿水拂浪而上下有流泉上涌尺餘觸石雷奔而下陟山磴巔有石屋供小佛像五前有池墮物深然水紋羊角而上厯久乃息崖側白石纍纍成堆光澤如玉握之應手而碎豈不屑爲世用

耶再折而東羣峰牆環溪流帶繞石笋劍拔人立高下
巨細奇形異態不可名狀每夕星月明朗有白鶴數百
連翼而至各立一石侵晨相向而鳴聲震巖谷山僧游
客以此別昏曉如鷄鳴云山中草木叢茂皆從石隙中
生多不知名羽鱗狸互之物不易見必有奇特大都非
塵世也酒泉文殊山番僧羅卜藏言之不去口年八十
餘曾三至靈山眸子炯然眉龐齒兒謂人曰吾居酒泉
三十年而靈山之妙日盤一車輪耳其愛慕如此

巴里坤南山運道記

丁 案

雍正十有一年歲在癸丑大將軍統西路兵之次年也
兵部員外郎阿炳安承大將軍指修南山運道成先是
大將軍以制軍籌餉於酒泉輪轅相接至南山而閔必
紆道以達於軍八月以往冰雪載塗則積哈密以俟吞
輸僕夫苦之大將軍久屬意焉稽諸地圖詢諸輿人之
口率未敢輕議壬子旣受

天子命統軍巴里坤踰南山時雪深於人不能以措足

大將軍曰從者且爾謂執輿者何於是相度其上下有成算既至軍周爰諮之得阿子說相昭合俾復審而肩其事峻者曲之疎者築之隘者輔之濬之溝以備其衝駕之梁以平其險凡數十盤而後上周之以迴欄穩之以喬木不兩月而工竣化峻坂爲康莊矣伊里螳臂耳大軍犁其庭不難滅此而朝食也

天子弗忍姑駐師以待之因壘而降可以旬計何鑿山以慮餽爲况聞拙速未覩巧之久豈其弗知然而速以拙孰若巧以速乎天作高山一蹴夷之若輪臺若陽關

按陽關在瑪納斯西南厄魯特名爲陽巴爾噶遜漢人曰陽關非沙州之古陽關也爾據爲險乎

屢朝發而夕至矣魚游於釜生其餘幾且軍之實若山積猶緩爾須臾

皇上之仁如天也禽獸猶知儀舞寧怙終以速禍未幾乙卯春二月準噶爾策凌遣使吹納木喀來謝罪詞極恭順願歲歲貢如儀僉曰此固九夷八蠻之通道哉宜識之石

饋餉修路碣

皇威震疊底定西酋整厥虎旅駐於伊州啟拓疆宇騰
聲遐陬輓轡飛輓駕馬服牛地靈助順荒磧泉流惟山
磊砢輪蹄是憂聿來善民攘剔平修王道坦蕩振古長
留雍正十三年春三月監運使者爲善人楊可祿立石
於星星碛

戰功記

雍正十二年九月大將軍札郎阿及副將軍張廣泗鎮

守會準噶爾賊數千來寇守卡軍士探有伏聽虜數百

人在烏爾兔水

即古務塗谷

張將軍隨調副都統班第達什

原任總兵張元佐遊擊郎建業各帶兵丁於哈密以南

蘆草溝搜勒固原提督樊庭赴鱓泉子搜勦班第等進

兵道遇虜兵數千我兵奪踞山梁虜於溝西排陣鋒正

交復有巴顏鄂博之虜飛繞而來我兵左衝右突鎗炮

齊施虜不能支敗走我兵下山追殺而樊庭兵轉自山

坳殺出虜膽喪奔逃我兵追殺過噶順直抵峩崙磯達

巴罕自辰至酉且戰且行八十餘里斬首虜四百級生擒虜三十六名奪大纛二杆獲馬三百餘匹其盔甲鳥鎗弓矛撒袋馱鞍口糧衣帽盈滿道路畢收鹵獲餘賊負重傷遁去奉

上諭張廣泗分遣調度悉協機宜在事將弁兵丁俱各奮勇直前得獲全勝甚屬可嘉俱着從優議敘欽此

如是我聞

紀昀

按紀昀字曉嵐直隸河間府獻縣人甲戌進士戊子以翰林綠事革職遣戍烏魯木齊辛卯釋回後仕至禮部尚書壽八十卒 贈協辦大學士

乾隆甲戌余殿試後尚未傳臚在先師董文恪公家遇一浙士能拆字余書一墨字浙士曰龍頭竟不屬君矣里字拆之爲二甲下作四點其二甲第四乎然必入翰林四點庶字脚土吉字頭是庶吉士矣後果然又戊子秋余以漏言獲譴獄頗急日以一軍官伴守一董姓

軍官云能拆字余書董字使拆董曰公遠成矣是千里
萬里也余拆否字董曰下爲口字上爲外字偏旁是口
外矣日在西爲夕其西域乎問將來得歸否曰字形類
君亦類召必 賜環也問在何年曰口爲四字之外圍
而中缺兩筆其不足四年乎今年戊子至四年爲辛卯
夕字卯之偏旁亦相合也果從軍烏魯木齊以辛卯六
月還京

烏魯木齊遣犯劉剛驍健絕倫不耐耕作伺隙潛逃至
根克特將出境矣夜遇一叟曰汝逋亡者耶前有卡倫
恐不得過不如暫匿我屋中俟黎明耕者畢出可雜其
中以脫也剛從之比稍辨色覺恍如夢醒身坐老樹腹
中再視叟亦非昨貌諦審之乃夙所手刃棄尸深澗者
錯愕欲起邏騎已至矣乃弭首就擒軍屯法遣犯私逃
二十日內自歸者尚可貸死剛就擒在二十日將曙介
在兩歧屯官欲遷就活之剛自述所見知必不免願早
伏法乃送轅行刑殺人於七八年前久無覺者而游魂

爲厲終索命於萬里外可畏也哉

嘉峪關外有戈壁徑一百二十里皆積沙無寸土惟居中一巨阜曰天生墩戍卒守之冬積水夏儲水以供役使之往來初威信公岳鍾琪西征時疑此墩本一土山爲飛沙所沒僅露其頂既有山必有水發卒鑿之穿至數十丈忽持鍤者皆墜下在穴上者俯聽之間風聲如雷吼乃輟役穴今已圯余出塞彷彿尙見其遺跡案佛氏有地水風火之說余聞陝西有遷葬者啟穴時棺已

半焦蓋地火所灼又獻縣劉氏母卒合葬啟穴不得其父棺迹之乃在七八步外倒置土中彭芸楣亦云其鄉有遷葬者棺中之骨攢聚於一角如積薪然蓋地風所吹也是知大氣幹運於地中陰氣化水陽氣則化火化風水土同爲陰類一氣相生故無處不有陽氣包於陰中其微者燥動之性爲陰所解其稍壯者聚而硫黃丹砂之屬其最盛者鬱而爲風爲火故恒聚於一所不處處皆見耳

伊犁城中無井皆出汲於河一佐領曰戈壁皆積沙無水故草木不生今城中多老樹苟其下無水樹安得活乃拔木就根下鑿井果皆得泉特汲須修綆耳知古稱雍州土厚水深灼然不謬後烏魯木齊築城時鑿伊犁之無水乃卜地通津以就流水余雜詩有曰半城高阜半城低城外清泉盡向西金井銀床無用處隨心引取到花畦紀其實也然或雪消水漲則南門爲之不開又北山支麓逼近譙樓登岡頂關帝廟戲樓則城中纖微

皆見故余詩曰山圍芳草翠烟平迢遞新城接舊城行到叢祠歌舞處綠鞦韆上看棋枰巴公彥弼鎮守時參將海起雲請於山麓堅築小堡爲犄角之勢巴公曰汝但知野戰殊不知兵北山雖俯瞰城中然敵或結柵可築礮臺仰擊火性炎上勢傾而利地勢逼近取準亦不難決不能屯也如築小堡於上兵多則地狹不能容兵少則力弱不能守爲敵所據反資以保障矣諸將莫不嘆服

烏魯木齊泉甘土沃花草繁盛江西臘五色畢備朶若
巨杯瓣葳蕤如洋菊虞美人花大如芍藥大學士溫公
以倉場侍郎出鎮時堦前虞美人一叢忽變異色瓣深
紅如丹砂心則綠如鸚鵡映日灼灼有光似金星隱耀
雖畫工設色不能及公旋擢福建巡撫去余以綵線繫
花梗秋收其子次歲種之仍常花耳乃知此花爲瑞兆
如揚州芍藥偶開金帶圍也

烏魯木齊巡檢所駐曰呼圖壁呼圖譯言鬼呼圖壁譯
言有鬼也嘗有商人夜行闇中見樹下有人影疑爲鬼
呼問之曰吾日暮抵此畏鬼不敢前待結伴耳因相趨
共行漸相款洽其人問有何急事冒凍夜行商人曰吾
夙負一友錢四千聞其夫婦俱病飲食藥餌恐不給故
往送還是人却立樹背曰本欲崇公求小祭祀今聞公
言乃真長者吾不敢犯公願爲公前導可乎不得已姑
隨之凡道路險阻皆預告俄缺月微升稍能辨物諦視
乃一無首人慄然却立鬼亦奄然而滅

南山口北有潤石圖嶺爲哈密巴爾庫爾界潤石圖譯
言碑也有唐太宗時候君集平高昌碑在山脊守將砌
磚石封之不使人摹楊云摹之風雪立至屢試不爽蓋
山有神木石有精示怪異以要血食理固有之巴爾庫
爾又有漢順帝時裴岑破呼衍王碑在城西十里海子
上則隨人榻摹了無他異惟云海子爲冷龍所居城中
不得鳴夜礮鳴夜礮則冷龍震動天必奇寒是則不可
以理推矣

昌吉遣犯彭杞一女年十七與其妻皆病瘵妻先歿女
亦垂盡彭有官田耕作不能顧女乃棄置林中聽其生
死呻吟悽楚見者心惻同遣者楊熺語彭曰君太殘忍
世寧有是事我願舁歸療治死則我葬生則爲我妻彭
曰大善卽書券付之越半載竟不起臨歿語楊曰蒙君
高義感沁心脾緣伉儷之盟老親慨諾故飲食寢處不
畏嫌疑搔抑撫摩都無避忌然病骸憔悴迄未能一薦
枕席實多愧負若沒而無鬼夫復何言若魂魄有知當

必有以奉報嗚咽而終楊涕泣葬之後夜夜夢女來狎
昵歡好一若生人醒則無所覩夜中呼之終不出纔一
交睫卽弛服橫陳矣往來旣久夢中亦知是夢詰以不
肯見形之由曰吾聞諸鬼矣人陽而鬼陰以陰侵陽必
爲人害惟睡則斂陽而入陰可以與鬼相見神雖遇而
形不接乃無害也夫盧充金盃於古嘗聞宋玉瑤姬偶
然亦見至於夜夜相覲皆在夢中則載籍之所希覩也
此丁亥春事至辛卯春四年矣

烏魯木齊提督巴公彥弼言昔征烏什時夢至一處山
麓有六七行幄而不見兵衛有數十人相往來亦多似
文吏試往窺視遇故護軍統領某公握手相勞苦問公
久逝今何事到此曰吾以平生拙直得授冥官今隨軍
籍記戰沒者也見其几上諸冊有黃色紅色紫色黑色
數種問此以旗分耶微哂曰安有紫旗黑旗此別甲乙
之次第耳問次第安在曰赤心爲國奮不顧身者登黃
冊恪遵軍令寧死不撓者登紅冊隨衆驅馳轉戰而殞

者登紫册倉皇奔潰無路求生蹂踐裂尸追殲斷脰者
登黑册問同時授命血濺尸橫豈能一一區分毫無舛
誤曰此惟冥官能辨矣大抵人亡魂在精氣如生應登
黃册者其精氣如烈火熾騰蓬蓬勃勃應登紅册者其
精氣如烽烟直上風不能搖應登紫册者其精氣如雲
漏電光往來閃爍此三等中最上者為明神最下者亦
歸善道至應登黑册者其精氣縮瑟摧頽如死灰無焰
陰曹以常鬼視之不復齒數矣

程易門在烏魯木齊一夕有盜入室已踰垣將出所畜
犬追嚙其足盜抽斫之至死嚙終不釋因就擒時易門
有僕曰龔起龍方負心反噬皆曰程太守家有二異一
人面獸心一獸面人心

易門名夢元原任咸陽府知府
安徽人

烏魯木齊驍騎校薩音綽克圖守紅山口卡倫一日將
曙有烏啞啞對戶啼叫惡其不吉引骸矢射之噉然有
聲掠乳牛背上過牛駭而奔呼數卒急追入一山坳遇
耕者二人觸一人仆扶視無大傷惟足跛難行問其家

不遠共舁送歸入室坐未定聞小兒連呼有賊同出逐捕之則私逃遣犯方踰垣盜食其瓜因共執焉使烏不對戶啼則薩音綽克圖不射不射則牛不驚逸牛不驚逸則不觸人仆不觸人仆則數卒不至其家徒一小兒必不能執縛盜瓜之人乃輾轉相引終使逃犯受繫伏誅此烏之來豈非有物憑之哉

佐領額爾赫圖守濟木薩卡倫夜聞團雉外鳴鳴有聲人出逐則漸退人止則止人返則復來如是數夕一夕戍有膽者竟操刃隨之尋聲迤邐入山中至一僵尸前而寂視之有野獸嚙食痕已久枯矣卒還以告心知其求瘞也具棺葬之遂不復至

特訥格爾氏一牛入其牧羣甚肥健久而無追尋者詢訪亦無失牛者乃留畜之其女年十三四偶跨此牛往親串家牛至半途不循蹊徑負女度嶺驀澗直入亂山崖陡谷深墮必糜碎惟抱牛頸呼號樵牧者聞聲追視已在萬峰之頂漸沒於烟靄間生死未可知矣

翰林院筆帖式伊實從征伊犁時血戰突圍身中七矛
死越兩晝夜復蘇疾馳一晝夜猶追及大兵余與博晰
齋同在翰林時見有傷痕細詢顛末自言被創時絕無
痛楚但忽如沉睡既而漸有知覺則魂已離體四顧皆
風沙瀆洞不辨東西了然自知爲己死倏念及子幼家
貧酸徹心骨便覺身如一葉隨風漾漾欲飛倏念及虛
死不甘誓爲厲鬼殺賊卽覺身如鐵柱風不能搖徘徊
佇立間方欲上山巔望敵兵所在俄如夢醒已僵卧戰
血中矣晰齋太息曰聞斯情狀使人覺戰死無畏然則
忠臣烈士正復易爲人何憚而不爲也

恒王府長史東鄂洛謫居瑪納斯烏魯木齊之屬地也
一日詣烏魯木齊因避暑夜行息馬樹下一人半跪問
起居云是戍卒劉青與語良久上馬欲行青曰有瑣事
乞公寄一語印房官奴喜兒欠青錢三百青今貧甚宜
見還也次日見喜兒告以青語喜兒駭汗如雨面色如
死灰怪詰其故知青久病死初死時陳竹山閱其勤慎

三州轉錄 卷之八
以錢三百付喜兒市酒脯楮錢奠之喜兒以青無親屬
遂盡乾沒無知者不虞鬼之見索也

昌吉平定後以軍俘逆黨子女分賞諸將烏魯木齊參
將某實司其事自取最麗者四人教以歌舞脂香粉澤
綵服明璫儀態萬方宛然嬌女見者莫不傾倒後遷金
塔寺副將將戒期啟行諸童檢點衣箱忽篋中繡履四
雙翩然躍出滿堂翔舞如蛺蝶羣飛以杖擊之乃墮地
尚蠕蠕欲動呦呦有聲識者訝其不祥行至闕展以鞭
撻台員爲鎮守大臣所劾論戍伊犁竟卒於謫所

大學士溫公征烏什時爲領隊大臣方督兵攻城渴甚
歸帳飲適一侍衛亦來求飲因讓茵與坐甫拈盃賊突
發巨礮一鉛丸洞其胷死使此人緩來頃刻則必不免
矣張鴛朝野僉載云唐青州刺史劉仁軌知海運失船
過多除名爲民遂遼東効力遇病平壤城下褰幕看兵
士攻城有一兵直來前頭背坐叱之不去須臾城頭放
箭正中心而死微此兵仁軌幾爲流矢所中此事正與

温公相似後公征大金川卒戰於木果木沒知人之生死各有其地雖命當陣殞者苟非其地亦遇險而得全然則畏縮求免者不多一趨避乎哉

後漢敦煌太守裴岑破呼衍王碑在巴里坤海子上屯

軍耕墾得之土中也

今移在城北關帝廟中

其事不見後漢書然

文句古奧字畫渾樸斷非後人所依託以僻在西域無人摹榻石刻鋒稜猶完整乾隆庚寅遊擊劉存存摹刻一木本洒火藥於其上燒為斑駁絕似古本

姑妄聽之

紀昀

烏魯木齊遣犯剛朝榮言有二人詣西藏貿易各乘一騾山行失路不辨東西忽十餘人自懸崖落下疑為夾

壩西番語強盜也

漸近則皆長七八尺身穆穆有毛或黃或綠

面目似人非人語啁嘶不可辨知為妖魅度必死皆戰栗伏地十餘人乃相向而笑無搏噬之狀惟挾人於脇下而驅其騾行至一山坳置人於地二騾一推墮坎中一抽刃屠割吹火燔熟環坐吞噉亦提二人就坐各置

肉於前察其似無惡意方飢困亦姑食之既飽之後十餘人皆捫腹仰嘯聲類馬嘶中二人仍各挾一人飛越峻嶺三四重捷如猿鳥送至官路旁各予一石瞥然竟去巨如瓜皆綠松也攜歸貨之得價倍於所喪殆幽巖窮谷之中自有此一種野人從古未與世通耳

西域之果蒲桃莫盛於吐魯番瓜莫盛於哈密蒲桃京師貴綠者取其色耳實則綠色乃微熟不能甚甘漸熟則黃再熟則紅熟十分則紫甘亦十分矣此福松巖

名福

僧額鎮闢展時爲余言瓜則充品者真出哈密餽贈之瓜

皆金塔寺產然貢品亦祇熟六分有奇途間封閉包裹瓜氣自相鬱蒸可熟至八分如以熟八九分者貯運則蒸而霉爛矣余嘗問吐魯番王蘇賴滿京師園戶以瓜子種殖者一年形味並存二年味已改惟形粗近三年則形味俱變盡豈地氣不同歟蘇賴滿曰此地土煖泉甘而無雨故瓜味濃厚種於內地固應少減然亦養子不得法如以今年瓜子明年種之雖此地亦不美得氣薄

三州輯畧 卷之六
其法當以灰培瓜子貯於不濕不燥之空倉三五年後
乃可用年愈久則愈佳得氣足也若培至十四五年者
國王之圃乃有之民間既不能待亦不能久而不壞也
其語似爲近理

哈密屯軍多牧馬西北深山中屯弁或往考牧中途恒
憇一民家主翁或具瓜果意甚恭謹久漸欵洽然竊怪
其無鄰無里不圃不農寂歷空山作何生計一日偶詰
其故翁無詞自解云實蛻形之狐問狐喜近人何以僻

處狐多聚族何以獨居曰修道必世外幽居始精神堅
定如往來城市則嗜慾日生難以煉形服氣不免於媚
人採補攝取外丹倘所害過多終于天律至往來墟墓
種類太繁則踪跡彰明易招弋獵尤非遠害之方故均
不爲也屯弁喜其誠樸亦不猜懼約爲兄弟翁亦欣然
因出便旋循牆環視翁笑曰凡變形之狐其室皆幻蛻
形之狐其室皆真老夫尸解以來久歸人道此並葺茅
伐木手自經營公無疑如海市也他日再往屯軍告月

明之夕不覩人形而石壁時現二人影高並丈餘疑爲鬼物欲改牧場屯弁以問此翁曰此所謂木石之怪變罔兩也山川精氣翕合而生其始如泡露久而漸如烟霧久而凝聚成形尙空虛無質故月下惟見其影再百餘年則氣足而有質矣二物吾亦嘗見之不爲人害無庸避也後屯弁洩其事狐遂徙去惟二影尙存

烏魯木齊牧廠一夕大風雨馬驚逸者數十匹追尋無迹七八日後乃自哈密山中出知爲烏魯木齊馬者馬有火印故也是地距哈密二千餘里何以不十日卽至知窮谷幽巖人跡未到之處別有捷徑矣大學士溫公遣臺軍數輩裹糧往探皆糧盡空返終不得路

余從軍西域時草奏草檄日不暇給遂不復吟詠或得一聯一句亦境過輒忘焉烏魯木齊雜詩百六十首皆歸途追憶而成非當日作也一日功加毛副戎自述生平悵懷今昔偶爲賦一絕句云雄心老去漸頽唐醉臥將軍古戰場半夜醒來吹鐵笛滿天明月滿林霜

庫爾喀喇烏蘇台軍李印嘗隨都司劉德行山中見懸崖老松貫一矢莫測其由晚宿郵舍印乃言昔過是地遙見一飛騎馳來疑爲瑪哈沁伏深草伺之漸近則一物似人而非人據馬上馬乃野馬也知爲怪發矢中之喲然如鐘聲化黑烟去野馬亦驚逸今此矢在樹知爲木妖也

蒙古以羊骨卜燒而觀其垢兆猶蠻峒雞卜也霍文易言在奎蘇圖軍台時有老婦解此術使卜歸期婦側視良久曰馬未鞍人未冠是不行也然鞍與冠形已具行有兆矣越數月又使卜婦一視卽拜曰行矣馬已鞍人已冠矣公不久其歸乎已而果還又大學士溫公言昔征烏什俘回部十餘人禁地窖中一日指口訴飢投以杏衆分食訖一年老者握其核喃喃密祝擲於地上觀其縱橫奇偶忽失聲哭其黨環視亦皆哭旣而駢誅之命至疑其法卽火珠林錢卜也是與著龜雖不同然以骨取象者龜之變以物取數者著之變其藉人精神以有

靈則一耳

巴公彥弼言征烏什時一日攻城急一人方奮刀酣戰忽有矢自旁來不及見也一人在側見之急舉刀代格反自貫顱死此人感而哭奠之夜夢死者曰爾我前世爲同官凡任勞任怨之事吾皆卸爾凡見功見長之事則抑爾不得前以是因緣冥司註今生代爾死自今以往兩無恩讐矣

濟木薩台軍言嘗追雉入山中見懸崖之上似有人立越澗往視去地不四五丈一人衣紫璫璣面及手足皆黑毛茸茸長寸許一女子甚姣麗作蒙古裝惟跣足不鞵衣則綠璫璣也方對坐炙肉旁侍黑毛人四五皆如小兒身不著寸縷見人嘻笑其語非厄魯特非回部非西番喞晰如鳥不可辨忽擲一物於下乃熟野驃肉半肘也拜謝之皆搖手再與牧馬者往不復見矣

烏魯木齊參將海起雲言昔征烏什時戰罷還營見崖樹下一人探首外窺疑爲間諜奮矛刺之中石上火光

激迸矛折臂幾損疑爲目眩然矛上地上皆有血迹不知何怪又一遊兵見黑物蹲石上疑爲熊引滿射之而此物夷然如不知此皆山精也

烏魯木齊軍校王福言曩在西寧與同隊數人入山射生遙見山腰一番婦獨行有四狼隨其後其相呼噪番婦如不聞一人引滿射狼乃誤中番婦倒擲墮山下衆方驚悔視之亦一狼也四狼則已逸去矣蓋妖獸幻形誘人而啗不幸遭殪也

鞏寧城廟宇碑記

關帝廟

東亭碑文

皇帝龍飛御極三十有七年以烏魯木齊向爲準夷游牧今歸版圖十餘載生聚教養與內地無異又值準夷舊部落土爾扈特人等數萬戶歛關內附因設重兵於要衝建鞏寧城築舍九千五百餘間分駐滿洲官兵三千員名

三州輯畧 卷之七
命臣索諾木策凌總統烏魯木齊等處屯田營制事宜
責綦重也伏念

皇上神武威加海內外於平定準夷一事拓土二萬考
巴里坤爲古蒲類大小高昌國烏魯木齊或卽漢
之輪臺車師前後王歟自漢唐以來未嘗列爲郡
縣如今日之盛者也唯我

皇上聖不自聖凡新闢疆土咸歸功於
神以祈靈佑而保敕寧乃於鞏寧城

勅建

關帝廟索諾木策凌督率文武官弁實司其事於

乾隆二十九年九月望日告成敬泐碑書襄事銜名

恭紀其盛至

神之靈佑顯應載在

國史達於九有

凌

何人斯敢贅辭於揚詡頌禱之間乎

乾隆三十九年歲次甲午秋九月

誥授光祿大夫總統烏魯木齊巴里坤等處滿漢屯田

官兵事務世襲一等男長白索諾木策凌撰文
西亭

烏魯木齊去伊犁千三百餘里爲新疆諸路咽喉
重地自販章歸附

欽命大臣統屯防兵於此置糧務官司始有戶民作城
邑請於

上賜名迪化城州治昉此厥後開營制駐眷兵復築城
於北爲迪化新城今統稱二城爲漢城以鞏寧城
爲滿城云我

皇上威德誕敷八荒在宥西域旣平南定回疆北通哈
薩克一帶貢道而土爾扈特部落人等歸誠內屬
又不下數萬戶若塔爾巴哈台若烏什喀什噶爾
諸回城設防增戍咸倚伊犁八旗駐防兵爲重乾
隆三十有六年冬

皇上允廷臣請移內地駐防滿兵於烏魯木齊巴里坤
與伊犁爲犄角時議烏魯木齊分駐涼莊兵三千

乃別築城為駐防所卜於廸化城之西北十里許
曰吉越明年壬辰余奉

命以參贊大臣統軍務始荒度土功爰董所司各恭乃
事鳩工則

奏調近邊各營鎮兵千數百名教之版築增之廩餼
而兵不疲庀材則伐木於山開冶於礦輦載以官
之車馬而民不擾迄一年城成城周九里三分
里之一徑三里許城內恭建

萬壽宮

關帝廟如制都統署一領隊副都統署一理事通判署
一協領六佐領以下官四倍之自協領以下官兵
房皆如額其他公廨賓館義學庫藏街衢市井悉
治是役也計費帑金十萬有奇糧萬二千餘石

奏上

皇上察其費廉而工巨也不下所司議悉准銷且
命嗣後新疆工程奏銷著為例

特恩也乃

錫城名曰鞏寧門曰承曦曰宜穡曰軌同曰樞正自軍機處題額備滿漢托特回部四體書謹刊懸城之上方是時新疆底定垂二十年土地關戶口蕃新附之民益衆自烏魯木齊以東始改糧務官司置郡縣改巴里坤同知爲鎮西府改迪化州同知爲迪化直隸州州郡各率其所屬隸兵備道道率其屬隸都統其自道以下舊治迪化者悉移治鞏寧

與都統同城於是都統之任益重而鞏寧城遂爲滿漢官民兵吏羣聚而待事之所輶軒之使冠帶之倫出於其塗者莫不於是觀政焉今之稱鞏寧者從其朔也城工竣於癸巳今五載矣屢欲執筆爲之記顧以部勒公務未遑也惟祇遵

聖天子命名鞏寧之義日三復焉其在書曰民惟邦本本固邦寧撫茲城者必將以民碁爲基址以治行爲垣墉以武備爲扞衛以忠悃爲金湯然後可以

聯三邊之門戶壯八表之規模而弼億萬年之平成於勿替也是以夙夜兢兢惟恐不克副

皇極敷言之萬一茲乃申繹厥旨用自勗懋因并建城之顛末而詳誌之以告後之君子是爲記

乾隆四十二年歲次丁酉秋九月

誥授光祿大夫總統烏魯木齊巴里坤古城等處滿漢屯田官兵事務世襲一等男長白索諾木策凌撰

文

博克達山天池碑文

天一生水肇茲

靈脈於天山地六成能用著

神功於地軸源旣通乎星宿勢滙西漠派早別夫尾

閭膏流

少海莫窮所自藏蚪窟於峰頭孰測其深秘龍堂於水

底納衆流而潤下氤氳勝出岫之雲引百谷以歸

墟晃漾捲遙峰之雪昔則蓄而不洩全荒準部之

膏腴今則沛乎其宣遍潤阜陽之畛域 某承

恩北闕遙建辰旗出鎮西陲重屯戊校勤求治理計每
重夫民生籌畫安全功莫先乎水利編魚鱗之舊
冊十萬眾久隸黃圖添雁戶之新居五千人乍遷
赤縣緬遺墟於烏壘趙營平則深濬甘泉循故道
於渠壑姜行本則宏開廣陌然彼己境隨時過溝
洫全湮而茲則疆與日新灌濡正切爰是躬登峯
律堂洋而虔致精誠手畫規模鑿石而懇分潤澤

銀河倒瀉飛流直下三千繡壤深沾

慈惠普周萬頃惟輸灌不勞人力既有開而必先故

呵護久賴

鴻恩更告虔其恐後

功隆四瀆遵崇望祀於虞書

秩視三公特重明禋於周禮自此水耕火耨宜蓄周

資從教玉瀣贊珠跳涵濡遍足年登大有雨暘不

歉於三時

州梅畧 卷之十 三

澤被無私禾黍倍饒夫九塞謹切希

仁之祝用殫寅忱聊申答

貺之章莫酬

坎德伏惟

神鑒仰冀

來歆

靈山天池疏鑿水渠碑記

靈山天池疏鑿水渠碑記

籌邊之務莫重於屯政而屯政之要莫先乎水利
周禮司徒經土地而井牧遂人辨上地中地地下地
一夫有遂十夫有溝百夫有洫千夫有澮萬夫有
川莫不因高卑之宜驅自然之勢以取利於水其
為農計者綦詳矣厥後西門起鄴鄭國行秦白公
鑿涇文翁漑蜀胥此意焉若夫鄭吉田渠犁充國
營蒲類君集畧高昌行本屯車師擴雄邊而饒積

三州輯畧 卷之七

三州縣志 卷之十
貯尤於水利爲兢兢阜康濟木薩二邑爲唐金滿
舊壤戊己校尉昔屯於此其地遼濶其土肥甘最
宜禾黍乃邑人因水利不充曠爲牧野余心惜之
舊歲巡閱伊吾道經是地爰飭邑令相度水源知
阜康之陽靈山屏列峰勢出沒雲霧中上有天池
在焉俗傳此水爲蛟龍窟宅雪糝冰封莫窮所自
人有欲探其勝者至山麓輒爲風雨所阻余聞而
領之擬將親登峯巔虔致祝釐疏鑿靈派引注南
畝議者多以風雨爲解不知

聖天子奄有中外懷柔百神凡名山大川有能澤潤民
物者必秩而祭之余承

簡命出鎮北庭宣布德威周諮民瘼 山靈有知其必
有以默相之振潛起蟄敷解澤於窮荒豈降雲出
雨之精能久秘而不洩耶爰約飭騎從自南山口
取道而入谿流曲折山徑紆迴林木交陰蔚然深
秀穿崕越壑盤旋於松雲蒼鬱之間真不減鸞叢

三州轉畧 卷之十
百折也再登再憇漸就平崗聞水聲潺潺噴薄於
斷崖之上者小龍潭也潭水深碧其源弗長然雖
流細力微亦足以沾溉近郭從此越崇嶺數層始
臻絕頂見神池浩淼如天鏡浮空沃日蕩雲洵造
物之奧區也於時天風徐來暑雨初收會無所被
阻人登覽者用齋宿告虔默申頌禱指畫形勢刻
日鳩工畚鍤雲興依山鑿澗一落千丈飛瀑與銀
河爭流更爲設壩以防其潰建牖以遏其奔宣洩
隨時功成不日此其順軌之速也非

靈貺默孚而能若是乎由是濬畎澮治畛涂以瀦蓄
水以防止水以溝蕩水以遂均水以澮瀉水水利
之興一本乎周禮井邑成同之制若漢唐之備邊
則又不足論矣從此安駐屯兵編排雁戶有年有
幹多黍多稌甌脫之區化爲腴壤謹繪具圖說上
呈

睿覽以仰副

皇朝通志 卷之八
皇上撫惠邊氓無遠弗届之至意是役也渠長計五十丈有奇面寬五丈底寬一丈有奇深七丈三尺視小龍潭之灌注則十倍而贏焉渠工告葢凡五越月協領經度其始邑宰董率其事因約綜端委以告後之長民者善保厥成俾屯工永享萬年之樂利是所望也勒石而爲之記

庫爾喀喇烏蘇城工落成碑記

禹貢稱析支渠搜西戎卽敘周書紀九夷八蠻西旅底貢自是而外西域之山川都會弗載圖經歷覽史冊三代而還漢唐御宇亦云廓矣然漢武擊匈奴勒兵十八萬僅置張掖酒泉諸郡李貳師伐大宛旌旗徑千餘里師行二十三年海內虛耗所得不償所失唐太宗經畧四方控弦百萬僅與突厥盟於渭水嗣侯君集成交河羣臣諫以軍行萬

里恐難得志且天界絕域縱得之不可守是二君者勤於遠畧雖能威行天山迤南建官設都而天山迤北則不能至也卽有一二羈縻之國然叛服不常徵調弗應又安能履其地而疆索之哉我

皇上文武聖神擴清邊徼準噶爾以元人牧圍竄伏西

荒蠶食諸蕃寢成四衛

其四衛拉特者綽羅斯部都爾伯特部和碩特部土

爾扈特部其輝特一部本附庸於都爾伯特後土爾扈特竄入俄羅斯遂別輝特爲一部仍稱四部

昭代以來屢干撻伐

皇上戢兵禁暴保定大功月竈以西擴地二萬餘里收

邃古未附之龍荒葳

列聖待成之鴻業凡古烏孫康居莎車鄯善疏勒姑師勃

律于闐諸部悉入版圖於是經駐防簡侯尉啟庠

序範幣帛行國而土著之廬帳而城郭棟宇之式

闢汗萊遂成沃壤花門之俗蒸蒸於變月異而歲

不同庫爾喀喇烏蘇介乎其中實爲玉陞扼要之

地雄關屹屹東控北庭重鎮峩峩西連伊水以葱

嶺爲屏以鹽澤爲帶雪山綿亘冶鐵鎔金墨水滌
洞包原抱隰於乾隆壬午歲制其地而屯戍之編
成戶籍隸在司徒定以租庸統於都護至辛卯春
土爾扈特種落率衆歸誠

聖天子念其向化情殷爲之封汗位建台吉立宰桑分
置諸邊而濟爾噶浪之地屬其游牧莫不延頸跂
踵遐邇傾心余仰承

簡命節制輪臺乘秋獮之期簡蒐軍政由伊吾高昌巡

閱而至是區見其川原清曠草木華滋雉堞崇墉
與晶河相犄角念此地介突厥東西兩部最是要
區當單于南北二庭更爲衝路曩者乙酉歲出師
烏什曾取道於斯歷年以來修其郭郭繕其堂隍
三市九衢通關帶闔廬井鱗次亭隧星繁瓌貨川
流腴腴繡錯建牙守土大啟巖疆其風景之富庶
繁昌迥殊疇昔爰是延攬勝概不禁穆然深思竊
謀綏邊之畧非經營控制之爲難而養安無事之

足慮聞之禮諸侯歲三田講武閱兵皆乘農隙入
而振旅歸而飲至以數軍實明貴賤辨等威順少
長凡此者非以為苟勞而已將以馴至服習邊氓
之心不至養安而貽患也方今邊部寧謐百穀順
成寢甲包戈一意與民休息非不足以佈

天子德化於翎侯大祿騎君西夜

皆西域官名

之鄉然而有

備無患安不忘危是在守土者撫育訓練振士卒
久安易怠之氣收遠人畏威懷德之心表

皇輿之有截拓土宇于無疆從此驗分野於諸躔已出
二十八星之外頒正朔於蕃服悉準七十二候之
宜矣讀西域圖誌及西域同文志煌煌乎大一統
之模雖三五未臻斯治也彼漢唐之幅員版籍詎
可同年而語哉是役也守城副都統力任辛勞勤
襄乃事尅期落成爰書顛末勒諸堅珉以垂永久
若夫城堞之尋尺丁戶之多寡田宅之廣狹則有
營制可稽茲特詳言其大者是為記

三州轉畧 卷之十一
帝君神應無方以故建城之初卽崇廟祀而自綏來之
後默荷

神庥蓋新疆初隸版圖百度幾同綿蕪而時和歲稔歷
十年頻見豐盈沴息民恬二萬里羣歌樂利昔日
之冰天雪窖今已涼燠應時昔日之瓊幕穹廬今
已閭閻匝地此皆不盡之妙盛朝德化所涵育而卽
帝君英爽所護持也義等貿遷而來當穀擊肩摩之會

經營所至覩民康物阜之休思展蟻誠藉伸葵向
仰瞻紺宇載拓壽宮道一風同慶車書於玉塞明
禋祝嘏永廟貌於金城爰勒貞珉以紀歲月凡諸
同志各附姓名

乾隆三十二年建

補建

關帝廟碑文

忠義爲人心共秉之彝上下數百年含英蘊秀之

三州輶轡 卷之七
材何嘗不鼓努競強慨然以名教自任乃未能彪
彪炳炳全身於大節之臨蓋浩氣之未易充而小
善之不足尚也間嘗竊讀三國史其紀述

關夫子之梗概大都在武功威望間後之儒者亦不過
據秉燭一節爲稱首夫陳氏非古良史才也卽其
正僞之統不明何足闡揚盛美當後漢之末氣節
淪亡雖有雄畧人者皆苟且以博時榮而昧然於
漢賊之辨以至互相雄長日尋干戈百姓彫傷乾

坤震擾不靖之故厥有由來藉非偉人誰能底柱

夫子佐流離之漢胄續欲絕之餘音滅魏吞吳志先乎
出師一表將千古之大經大法於是乎在向使有
旁搜遠紹之士提其要鈎其元必有加於秉燭而
傳美人口者也茲地於乾隆辛巳歲建有

廟貌以妥

神靈第堂宇促狹不足蔽風塵而陳樽俎某等謹與同
郡人捐金鳩工卽其地勢而增修膳廳三大間非

三州輶轡 卷之七
敢謂足以報功德也懼其褻也且以見忠義之在
人心有同悅焉

乾隆三十五年補修

城隍廟碑文

迪化漢城小會關廂之外西北不數里有乾州廟
焉

廟建自乙卯年起工程浩大創造艱辛非我乾州之
獨力可成也乃乾屬永武二邑均有樂善不倦之
念同心築其廟址協力建其殿楹前有綠水儼若
地產玉帶後依青山不啻天生錦屏助聲靈之赫
濯狀廟貌之巍峩裝演煥彩暈飛鳥革久已外觀
之有耀不惟對越

神明足以將其誠意抑且長幼咸集可以共話鄉情創
建之至意無不彰明較著也仰蒙

聖天子臨御萬方四海一家卽我乾郡地分三界誼同
一鄉越數千里而來者較前益衆睹前人之盛舉

增無可增冀後此之補治華愈求華拜獻之餘有
願莫伸爰謀建立宮燈旗杆石獅樂輪囊資竭其
蚊力衆擎之願指日觀成赤幟上陵霄漢青獅下
鎮山門曷敢曰惟此薄舉盡善盡美而俎豆陳設
或有缺畧未備之處須念創之於前者猶當繼之
於後則前可彰其美而後可傳其盛也是爲勒石
以誌之並將施銀人等姓名詳列於碑陰焉是爲
記

嘉慶丁巳年六月

昔唐德宗遭東山朱泚之亂維時我州

城隍大施神力護佑永成大寶之功是以唐勅封奉天
輔德侯其靈應昭昭於乾之地者非一日也自乾
隆二十四年開闢新疆我州之人雲集烏魯木齊
者不少以爲我州奉天城隍靈應不昭可護庇我
乾人於東者亦可護庇我乾人於西是以於乾隆
四十二年在漢城西北擇地創修廟宇所佔地基

與所買園地共地五十三畝以備香火養贍之資
每歲交納國課銀六兩有信士王守德等呈請
觀太爺施恩委 吳老爺驗明念其工費浩大准
其永遠爲尙書地以作香火養贍之資免輸地糧
有名帖官銜可據實爲乾州一郡士民之福澤也
雖永壽武功二縣本屬乾州所轄許彼二縣士民
亦在廟中傍殿塑像祀神至四十三年創修大殿
四十九年創修戲樓五十五年創修山門五十七
年創修鐘樓層層功程並地畝基業均我乾一州
士民同力告成並無賴藉永武二縣士民一臂之
力也今我滿城衆會信士人等慮其世遠年湮或
致功忘而名滅恐終不可復覩矣於是願勒斯石
以記大功並列合會姓名於後以誌不朽云

渭南縣儒學生員王衆震撰文並書

嘉慶二年八月

藥王廟碑文

蓋聞宇廟之設所以仰

聖德而答

神庥也恭維茲土東郊之阜建有

藥王神廟一座遠山若屏近水如帶其地之氣脈則發源於東蜿蜒而西層巒疊嶂蜂腰鶴膝結穴天然有迴龍顧祖之象建廟於此亦可謂迪化一奇觀歟考其功德創自乾隆辛卯先是王文隆等初發善念重以邀請此地衆商賈及由口內發賣藥材

之客善信同心協力募化捐資以其勦盛事自草創以迄成功其殿廡併山門歌樓率由積漸而臻斯勝境蓋歷有年所矣暨乙卯春因臺榭傾圯規模亦狹於是公議重修雖由舊基而功力倍之經理會首人等伏念同儕食力此方仰托

神佑感格應輸囊資無不竭力捐助除本處募化不敷需費外且不憚勞遠赴昌吉綏來伊犁等處在於各同鄉善信內告助是以不數月而工竣此非衆

擎易舉凡茲功德故可設也爰集衆善佈施勒之
於石以誌不朽更從而歌曰山明水秀兮左右其
傍維

神宛在兮廟適中央天然位置兮人工以匡出艮入坤
兮蜿蜒而長鎖以橋梁兮庶幾其祥歌功頌德兮
樓臺斯張春祈秋報兮永保無疆

提督甘肅烏魯木齊等處地方奢特親巴圖魯興
奎署烏魯木齊提標中營參將左營遊擊世襲騎
都尉帶尋常紀錄一次黃聯輝

嘉慶元年六月上浣穀旦
重修廟宇碑文

蓋聞乃聖乃神顯無窮之妙術稱功稱德著有應
之奇方是以岐黃秘訣救世何僅十全龍海奇傳
濟人非止三折然而刀圭量用無不思療於衆生
砭石治癥何物不沾於神劑鴻功貫於今古有禱
有通澤庇無分夷夏至靈至應稱之不盡贊莫能

窮竊氏江蘇上海人也幼在南從未究銀丸金匱

之煩抵紅廟而奏手上藥中醫之功爲非

神助誰其信之於乾隆三十六年歲在辛卯適遇道人

陳教法總司郭良莫述稱

藥祖之神靈欲興蒸嘗之祀典氏卽告夫文隆及兄徐

氏耀輝公同商酌不吝數十金隨建小廟於迪城

東郊之阜裝塑靈軀常供香火歷經壬辰及至癸

巳遇有古晉秦氏龍光精察地理邀請瞻之相其

山景而對氏言曰此山景象從東發源脈連瀚海

氣接天山蜂腰鶴膝疊嶂層巒南畔有水出自淵

泉迴龍顧祖左右盤旋不比蓬瀛勝境聊爲迪化

奇觀必得創修巨宇方可氣脈完全氏從其言盡

傾夙蓄囊資百兩卜吉興工爰自豎柱斯金儘數

罄懸事在半途烏得前工盡棄氏等覩其工程誠

爲峻大如斯維艱非一力之可成朝夕躊躇無十

分而難就是以龍光商酌始懇鄉約文灝郭氏荐

延隨請大成車氏協力同心募化十方善信晝勞夕役書錄四路紳衿及至甲午廟工昉竣乙未丙申兩廡告成至戊戌而山門始立其貌頗可觀瞻時幸迪化通街善信藥室衆等虔誠獻舞梨園萬姓千家分祈名標匾額但逢祭祀高結綵樓所費之資何止百兩氏見捐資有限每歲花銷莫若啟建歌臺亦可餘金積幣就壬寅歲與文灝等募化金資創建藥樓一座嗣甲辰三月驟起狂風撥落

山門而戲樓盡行坍塌是年歌臺重修全憑藥室共助他歲山門復立無非衆姓捐金勞力勞心重修重整自此逢時報賽遇誕笙歌奈此廟居山峰之險不無風雨之傷故爾歲歲添磚年年補瓦無限辛苦豈其一日耶歷經數載迨至甲寅戲樓復被風傷形爲倒塌意欲重新整理氏身財力雙艱幸得通街藥室等努力募修重勦盛事抵自乙卯工竣廣揚

聖德神功伏思五二之春其工始就盡費萬千之力斯
景方週因爾刊銘石碣為千百年不朽云耳以是
為誌

賜進士出身烏魯木齊提屬瑪納斯協副將何廷臣

江蘇提屬分防海汛原任千總王大年敬撰

甘肅直隸迪化州陰陽學典術王思孝敬書

嘉慶元年五月吉旦

三官廟碑文

迪化州舊城東有廟焉廟塑何神曰

如來曰

孔聖曰

老君曰

救苦祖師曰

魯之巧師是廟創正殿於三十一歲通街六行之協力

建舞樓於三十四載六行匠師之同心買園地而

五行捐助蓋廊房而鐵匠獨成歲在甲子之紀辦

木植而山門乃建唯木匠以踴躍爭先亦卽甲子
之秋正殿獻殿泥水行成於四十一歲石獅旗杆
六行師立於四十四年且西道房原屬陶冶鐵之
造作而東道房乃卽溫大章秦仲厥之修理至中
殿創自四十七年而大功告竣仍卽通六行之貫
財若畫彩輝煌却係解匠一行之樂施自今而視
廟貌巍峩固爲迪化之鉅觀而遡厥由來積累歲月無
非衆人之叢成苟不爲之彰明表著亦安能以勸

人心存如在之誠哉是以勒之珉石庶永垂於不

朽云爾

乾隆四十七年五月穀旦

財神樓碑文

竊維三事修和正德與厚生並重四民承流養身
與治心兼資以故

聖朝教育之隆旣無遠而弗屆

神靈佑啟之德亦無微之不周明鑒在茲時祀告虔禮

宜然也烏魯木齊之漢城建立

財神樓迄今十有五年先有善士吳淘成李唐貴王榮

周延英等請命於 提憲喬

准令於屯城北

門樓增修樓閣三間北塑

文昌 魁星 像各一尊南塑

財神像一尊側修道房二間邇來商賈更增庶士饒習

日漸醇良鄉約會首等感

神靈之昭回知衆情之踴躍公議捐銀二千餘兩增厚

城臺崇峻棟宇裝嚴法像自癸丑歲孟夏興作越

六月而工乃竣巍巍乎鳥革飛翬出重霄結寶篆

居中衢而壯齊雲落星之觀識者卽士民之答

神庥而知

神惠之溥士民矣 予竊有感焉夫

神之阜財求牖文人所以陰翊王度躋斯人於賢能樂

壽之域者不過因其善行增厚福祿耳烏地屬乾

乾天也爲金爲玉爲良馬爲木果自新疆開闢西

域數十餘國盡入版圖而烏地實爲重鎮疏勒沙
州亘其東闢展柳州衛其南以及和闐烏什雅爾
之所產生其間金玉皮革往來交易惟烏魯木齊
之漢城稱尤盛焉舉凡擁高奇貨因天地自然之
利而操其奇贏則

神之嘉惠於邊徼者富饒可駕於天下而士之沉酣經
史亦未嘗無靈秀之鍾足以黻文治之光華惟在
善承

神惠以心地廣福田耳果其淨意焚香登樓之餘學士
除囂陵之習工商戒淫佚之行將見財源濬發旣
增高以繼長文教聿新亦聯科而及第則斯樓之
重秀者可遞衍以不朽而

神明之眷顧且日新月盛而未有憑也爲記
乾隆五十八年修

馬王廟碑文

神之爲靈昭昭也詠於詩著於書總見於搜神一記雖

婦人孺子皆知其靈而罔有不敬者也然人知其敬而不知其所以敬則雖曰敬也其亦與不敬同
烏魯木齊新疆也其東南山崖之上建

馬王廟一小間以奉祀事軍民見其規模狹隘非棲

神所也因欲移之城東廊其基址大其殿宇庶

神靈於以妥侑矣然又恐財用不給難遂厥志爰是會

眾一議眾懽趨之卜吉日相基地辦物料董匠興

工不數月而廟成恭塑不意焚香登對之繪畫士

天駒房星

火帝真君

賜壽財神之像於正殿因時致祭勿替引之或曰

三神在天為星在地為祇烏也僻在西陲恐其靈不眷

顧於是也余曰否否

三神之靈在天下猶水之在地中無所往而不在也而

烏人獨信之深敬之至焄蒿悽愴若或見之譬如

鑿井得泉而曰水專在是豈理也哉丙戌孟秋軍

三州輶馬 卷之七
等請書其事於石因爲作文以記之云

乾隆三十一年蓮月穀旦

創建山西會館碑文

維北庭之沃壤壯西域之雄封自蕃部遠被

天威聲教不遺夫處月而天方始崇

神寺靈蔭遍及於無雷緬茲版圖煌煌者文物萃起

彼觀宇恢恢乎

神人罄宜猗歟盛哉何莫非我

皇上廓永奠之鴻圖而陰沐

關聖武穆之靜鎮也余等西魯末士聚處於斯歷有年

所人烟雖曰輻輳而山寺竟屬幾希孰非宗垣寧

忘尊親之意既經注籍時切雨露之思慶誕始自

丙申義舉成於己巳爰購得吉地一處畚土鳩工

經營伊始越甲辰而大殿彩樓丕振兩廊告成敢

曰獨任仔肩庀良材而始構亦云告諸將伯庶勝

蹟之克全燦燻丹鉛法像偕繡幡競麗輝煌金碧

三州輶馬
卷之十
三

猊座與梵宇崢嶸既足以壯

盛朝之統一中外復又以答神功之福照邊疆則敦桑梓之誼賡雍睦之休者豈徒爲佛家增色已耶因歷叙端委勒諸堅珉以垂永久以待後之輶軒補助云耳

乾隆四十四年建修

重修廟宇碑文

迪化之富庶甲於西域故四方商賈雲集而麇至

者日益衆大抵山右之客爲尤多乾隆四十四年創建會館於舊城西門外以護國佑民爲念奉祀關聖殿宇崇闕旁有配殿兩廡鐘鼓樓俱極壯麗非特肅觀瞻實所以敦信義而昭誠敬也構數椽於東偏爲僧舍往來賓客憩息於斯頗有幽趣其時都護策公爲文勒石以紀之迄今二十餘載榱桷窳樞丹楹碧瓦間有朽壤者僉曰吾儕生逢

盛世承平之際中外一家邊烽清晏乃得安其業而享

其利焉此皆賴

聖德之覃敷何莫非

神庥之默佑乎亟宜新之爰集衆捐資鳩工庀材至乙
丑仲秋畢其事咸請余文以繼 策公後因思余
之來守茲土也於今八年矣凡教養之方補救之
術有志未逮者尚俟後之君子而竊幸仰荷

主恩厘叨

靈貺與商民共受斯福今俸滿行有日矣樂觀厥成能

不虞遭逢而樂道其善也耶爲記

嘉慶十年重修

都統明亮望祀

博克達山長歌一章

勒石上方山頂

穹窿乎博克達山之高高極天吐納日月陰陽莫能測
 其候變幻晴雨寒暑不得司其權乾坤苞符欲啟
 尙未啟土父澤母精氣融結雲根懸其勢博大崇
 龍未可以數計比諸嵩高太華有過之而無不及
 焉試問此山之名何為弗與五嶽並惜哉神墟靈
 岫飛隆乎星河月竈之西偏縱橫雖極亥章步幾

會遠越龍沙雁磧窮根源谷蠡荒僻闕文獻洞天
深秀陵虛華蓋藏雲烟烏孫游牧弗敢近偶過其
麓無不下馬頓顙心拳拳西去薄崑崙東來接祁
連兩峰對峙遠隔數千里其中突起與爭雄長一
氣相蜿蜒控高昌爲右臂憑伊吾爲左肩橫亘五
郡俯據大地脊平分兩界上跨層霄巔千支萬派
絡繹恣迴抱如孫承祖大小紛聯綿蘊蓄佳氣造
化不遽洩蔥蔥鬱鬱乃結爲北庭之塞垣語言所

不通聲教所弗及於是地也則有準噶別種滋蔓

延蠶食諸蕃成四部睚眦慄悍無從詳攷其歲年

帝盛世

天威播遠徼傳尺檄而定之遂擴地於萬有二千帶康

居絡于闐陵大宛小宛界右賢左賢巖疆大啟依

崇巒爲屏爲翰

山靈宣卓然巨鎮綏雄邊上有靈湫深黑杏無底引

集百谷滙爲萬古不竭蛟龍淵亮奉

恩綸守茲土首重屯政開新阡疏渠灌溉苦不足爰是
穿雲鑿壑導引下注萬頃膏腴田蒲海不足帶鹽
澤不足環經傳山川有能潤於百里者天子秩而
祭之加敬虔而况此山興雲出雨之功用更與秦
帝德懷柔百神集遠頌

宸翰輝瑤牋

行命守臣崇望祀茅蕝載肅吉日涓越宿齋心致儼恪

苾芬初薦

神祇昭格來翩翩阜成兆民錫多祐

功崇保障巍巍秩並三公傳謹作長歌記

靈應摩嵯勒石以待採風西域之輶軒

博克達山三峰險峭不能上其山頂之平處有一大龍
潭周遭數十里水清而甘美深不可測振古如斯
又於隔山之坳出爲瀑布隨山赴壑以灌阜康之
田山腰又有小潭周十餘里土人皆名之曰海子

其水亦下流而灌田阜康地多水少猶虞不能遍
給乾隆四十八年都統明 由阜康南山登躡至
山上之大海子見水口爲大石阻截不能下洩查
勘估工約費二千金可以鑿石下注奏明准行爲
文致祭開石引流其年灌溉饒足次年五月潭水
不至再往履勘則潭水暴落渠口高出水面數十
尺又兼天氣寒冷於麥苗無益經署都統圖 具
奏停止仍令前都統明 繳賠所費帑項焉

觀風鎮迪各屬文

維北庭之沃壤壯西域之雄封自蕃部被聲教之
隆遂邊郡毓人文之秀天山啟泰潛看文燄摩空
蒲海鍾英爭見詞源倒峽闢屯田於戊巳戶樂農
桑沐教澤於膠庠材呈棫樸由耕而讀蒸然聞四
境弦歌旣富且安久矣待百年禮樂秋高桂苑此
邦會賦攀花雨化蠻宮多士兢賡采藻固已休風
丕變合廣漠而作新文治光華遍新興而鼓舞矣

本道承

丹陛之殊恩參庭州之政事下車伊始喜氣象頓改其
常廣訪而還念陶淑莫辭其責雷封課最思造士
以多方月旦親評切觀風於六邑納青衿於矩矱
深嘉風雨漸摩期紫塞之書升首重圭璋特達爰
是文則課以三題詩則試之八韻破雷同之見好
發心聲斥風影之談多嫻掌故閱中肆外闢理解
而游刃恢恢挖雅揚風據典則而引經鑿鑿寸心

杼軸束規矩以大家滿腹精神斂菁華於小品跌
宕於思路迴環之內文有閒情吞吐於意旨綿邈
之餘題無剩意才高者氣渾辟易多人神足者機
流光芒萬丈爭雄文陣一鳴成拔幟之奇決勝名
壇聯轡逞奪標之技若夫詩本言乎情性體則備
夫風騷既積健以爲雄詞兼律細更因奇而見正
句出天成鬱韓潮蘇海於行間孰窺涯涘錯朱艷
班香於字裏難辨町畦未到水窮又看雲起莫愁

三才集 卷之七
月盡自有珠來夢得句而有神池頭草綠曲將終
而不見江上峰青法唐人應制之篇好音不墜遵
聖代右文之式大雅攸存欣投我以驪珠用虛衷而藻
鑑若棄取無關得失何煩手定丹黃倘評衡或與
愛憎那用眼分青白本道則秉先輩之準繩律諸
生之制藝譽如有試反復而不憚其煩好豈能阿
簡閱而務精於擇兼資華實無美不收弗掩瑕瑜
有長必錄機優雲劣辨以幾微王後盧前嚴於次
第一經題品騰雁磧以蜚聲從此文章播雜林而
傳誦力維正始開來學之先資得拔真才豈
國家之小補涉星源以被濯將入關皆即鹿而來從
月窟以扶搏佇發軔卽登龍而上勉而益望敢云
度以金針公乃生明轉自愧夫水鏡

因家之小節... 軒前代縣五... 第一縣... 文...

祈雨

和 瑛 太菴

博克達山文

嘗聞雲行雨施大造所以無私山澤通氣萬物以之有賴

博克達者神靈之謂也雄鎮一方佑茲萬姓歲時柴望載於典章蓋澤在山上山之體虛而受澤澤之氣升而為雲雲從龍龍致雨是龍之靈以

尊神之靈為靈邇者雨澤愆期曠乾徧野和 奉

天子命保釐茲土厥職與

尊神等政不就理咎在都統澤不下逮咎在

尊神心之憂矣民何與焉敢布告於

博克達山神其鑒之無或私乃龍湫屯其膏澤謹虔誠

致禱

禱

風神文

致告於

風神之前曰嘗聞大塊之氣噫而成風蓋巽主風陰在

內陽在外周旋不舍而風作焉

其神曰飛廉曰折丹其地爲風門爲風井

司天之號令而人事應之時則爲休徵恒則爲咎徵此

不易之理也邇來望澤情殷密雲屢布輒以風輪

自南來而雲向空飛澤不下夬意者大吏失中正

之道號令不端於上歟抑或小民失柔順之道號

令不從於下歟不然是箕畢之好不齊而風將爲

三州轉署 卷之七
虐也敬告於

司風正神其速止之庶甘霖大沛用慰三農謹禱
告

城隍文

致告於

城隍之神曰聰明正直而一之謂神神也者妙萬物而
爲言者也往者以雨澤稀少之故禱於龍神望於
山鎮祝於風伯乃霽晴罔應或雲捲若席或雨灑
如珠隱憂滋甚今再告於

尊神如有冤獄

神其雪之如有虐魃

神其除之有官守者無素餐享廟食者無尸位恐懼修
省幽明共一肩也謹禱

西陲牧唱詞六十首

並序

王芑孫

惕甫

乾隆五十三年夏五月

上幸避暑山莊芑孫從董尚書出塞既卽次多雨無以
自遣檢架上書得西域圖志讀之仰見我

國家版章之厚綏來之廣以及山川風氣之殊服物語
言之別奇聞軼事亦往往錯見其中凡漢唐以來
所約畧而不能晰佔畢之儒所茫昧而莫能詳者
一旦入我版圖登我掌故於戲盛矣輒占作絕句

六十章或附麗前聞或質言今實刪取原文少加

融貫件繫成詩以二萬餘里之中準回兩部居其

大凡準部世資游牧不事農工回部雖務農工利

兼畜牧且自耆定以來耕屯日關兆協薪烝又

國家綏萬屢豐之慶也遂題之曰西陲牧唱所謂不賢

者識其小者因以助教人之扣角云爾是歲七月

既望長洲王芑孫自序

二萬輿圖指掌通大荒直北是西濛冰天火地皆

堯壤一髮祁連界畫中

中華當大地之東北西域則中華之西北為大地直北境也自

準部回部以迄藩部圓廣二萬餘里在古為西戎漢唐

都護府置羈縻州皆虛存統帥初未服屬今則悉隸版

圖其地在肅州嘉峪關外東南接肅州東北直喀爾喀

西接葱嶺北抵俄羅斯南界蕃藏天山以北準噶爾部

居之俗强悍逐水草無城郭天山以南回部居之風氣

柔弱有城郭習耕種天山即祁連山綿亘三千餘里宇

宙間山無大於此者漢書匈奴謂天為祁連今準語猶

然也大抵今回部諸城為漢書有城郭之三十六國所

謂與匈奴烏孫異俗者準部在天山

北並為烏孫地其東境猶屬匈奴耳

羣山莽莽走中原岡底斯蹲氣脈尊青海南趨葱嶺北

太行王屋總兒孫 右西域山勢 大地羣山之脈自西

而東其在中土唐一行嘗論河山兩

界謂北界自三危積石負終南地脈之陰東及太華逾河並雷首底柱王屋太行北抵常山之右乃東循塞垣至濊貊朝鮮南界自岷山嶓冢負地脈之陽東及太華連商山熊耳外方桐栢自上洛南逾江漢攜武當荆山至於衡陽乃東循嶺徼達東甌閩中是也其在西域實自西南而東北按其統宗起脈之處在西藏極西之岡底斯山其山直甘肅西寧西南五千五百九十餘里地勢由西南徼外以漸而高至此為極康熙五十六年遣使測量以此處為天下之脊衆山之脈皆發於是其分幹有四向西北者為僧喀布巴岡里木遜諸山繞阿里而北蜿蜒起伏以趨西域是為葱嶺葱嶺為西域西南境自葱嶺而東分為兩幹漢書謂之南北山其南山由今葉爾羌西之杭阿喇特達巴分支經葉爾羌和闐南境屬回部舊疆由是縣亘而東岡嶺連屬經安西州南又東至陝西肅甘涼三州南又東南達於苦木堡其東南一支南包青海又南為庫爾坤隨河水曲折而東入

陝西岷州界繞渭水之南而東為武功太白太乙諸山又東北達於太華是即一行所謂北界但當日不知從西域之南山一脈分承故直以三危為北界之首也其北山由葱嶺分趨東北循烏什阿克蘇庫車諸地之北至於伊犁乃折而東經迪化州之南闕展之北直走鎮西府哈密東至於塔勒納沁鄂拉總名為天山其間土名隨地而異者蓋以百數最著者曰木素爾鄂拉曰汗騰格里鄂拉曰博克達鄂拉在古則曰雪山曰靈山唐時又稱折羅漫山是在北界之北東西絳亘西域境內一行所未及推論者自塔勒納沁鄂拉折而西北為天山分幹遠逾沙磧是為漠北之阿勒坦鄂拉即古金山又為漠北諸山之祖當西域之東北境山分四支延袤二千餘里北一支入俄羅斯國東一支又東北一支又東南一支並入喀爾喀境其自阿勒坦鄂拉西麓分支者為阿拉坦鄂拉博克達烏魯罕鄂拉又一支為奇喇鄂拉阿爾察克鄂拉西抵鄂爾齊斯郭勒東岸而止其

別自天山分支西北行者一支拉伊犁之北為博羅布爾噶蘇鄂拉塔勒奇鄂拉博羅和洛鄂拉又折而東北行經千有餘里至塔爾巴哈合鄂拉朱爾庫庫朱鄂拉東抵額爾齊斯郭勒西岸又一支自伊犁郭勒西北分支西行經圖斯庫勒北又一支經塔勒斯郭勒南皆屬準部吹郭勒南又一支亦西北經塔勒斯郭勒南皆屬準部舊疆為天山北麓分支尤一行所未及推論者也故推究西域山脈斷以西藏之岡底斯為來龍以中土北界諸山漠北之阿勒坦諸山為南北兩大山之支幹經絡方隅此其大畧也漢武以南山為崑崙一行以三危為經首前代淆訛從此可以辨正其毗連西域而不在西域版圖之內者若西藏青海以及漠北諸蒙古則久已納土獻圖為我臣僕乃得總覽天下名山之大全而一岡一阜數之掌上豈不盛哉蒙古謂山為鄂拉回語謂山為塔克嶺則同謂之達也

淖爾探源星宿低方流圓折總無蹊書生只挾蹄泔見

費煞箋疏弱水西 右西域水源 凡水發源多從山出 因高就下不擇四方以中國言之西

北多山東南地下江河大瀆順流循軌理所固然然黑水南弱水西因地成勢已有異同謂水以東流為本性者非確論也西域南北西三面大山環繞百泉競發分流合流各有歸宿山內之水莫大於羅卜淖爾山北之水其大者在東為赫色勒巴什淖爾其北為烘和圖淖爾次西為額賓格遜淖爾又西為布勒哈齊淖爾又西北為巴爾噶淖爾又西南為圖斯庫勒又西北為和什庫勒為塔拉斯郭勒是皆大澤廣周數百里小亦數十里羣水所歸番中往往目之為海又極西有騰格斯鄂謨博太容蓄無所不納蓋古人所謂西海者也小流小澤隨處皆有難以悉紀其最大者如此班固曰于闐之西水皆西流注西海其東水東流注鹽澤雖語焉不

詳而大勢頗合固又稱鹽澤潛行地下南出於積石為中國河水經因之推溯河源論者疑為荒渺今萬里朝宗極陬履勘河水伏流說非無據淖爾謂海郭勒謂河郭謨者大海之稱

流沙騰海一重重路出安西遠白龍露挹三危釀化洽

玉門關外絕傳烽 右安西南路 今之安西即漢酒泉

州縣出嘉峪關而西延袤千里昔人所稱國當乾位地列良墟水有懸泉之神山有鳴沙之異川無蛇虺澤無虎兇者也三危流沙其跡最古玉門陽關亦在於是色爾騰海者其水最大近白龍堆

鎮西哈密限從窺庫舍圖山扼二邦右地北庭歸我闔

漢唐寧不愧招降 右安西北路 安西州之哈密與鎮西府同在天山東陲南北相隔中為

庫舍圖嶺扼形勢控極微自哈密西出通天山南路回部諸境自鎮西府西出通天山北路準部諸境蓋西域之咽喉也於古為伊吾舊壤永和之古碑金滿之斷石至今猶在西北接伊犁境準部以伊犁為庭自鎮西至伊犁三千里之間以烏魯木齊為適中膏腴之地今為迪化州全境於古為匈奴右地以唐為北庭都護府其左右諸境並宜耕牧漢所謂單桓蒲類移支諸國唐所謂處月處密後庭金滿諸國疑亦在此庫舍圖達巴譯言碑嶺唐貞觀中姜行本紀功碑在此嶺以碑名

屯開巴噶路交馳太白山陰宅準夷柳谷赤城雄保障

鷹莎伊列控綱維 右天山北路之塔爾巴哈台庫爾喀喇烏蘇諸屬 太白山陰準夷是宅

而北境猶廣東抵阿勒坦北界俄羅斯南臨沙磧中間土地肥腴厥名塔爾巴哈台為古匈奴烏孫交壤處唐

則西突厥地焉金山以為屏邏水以為池此五單于角
逐之場三葛邏憑陵之地也其西接伊犁伊犁形勢甲
西域高山長河表裏環抱為漢之烏孫大昆彌治唐之
突厥可汗庭其在於古則鷹莎伊列之故流柳谷赤城
之遺址今分兩路其東路惠遠惠寧諸城及巴顏台諸
地其西路則圖爾根烏蘭烏蘇諸地將軍所治在東路
其南境與迪化州接吟斥鹵彌望
畧同瀚海蓋即唐之沙陀云爾

闢展安恬夜闢扉花門帕首慶同歸班超祇取封侯樂

不解耕屯就土肥右天山南路之闢展哈喇沙爾庫車

所屬尤盛近依金嶺遠抱天山南北流泉彎環如帶周
圍千餘里為高昌交河舊地昔回人見逼準夷內附甘
沙自大功者定俾復故居哈喇沙爾及庫車當闢展
西境良田沃壤充切其中為漢焉耆龜茲最饒樂地班

超所上書請兵者也李唐四鎮並重而
碎葉龜茲居二於此豈非以地勝歟

鼎峙三城姑默墟羶裘板屋得寧居試從阿克蘇邊望

雪嶺嵯峨切太虛右天山南路之賽喇木拜阿克蘇諸

蘇三城古龜茲西境姑默溫宿兩國地也赫色勒郭勒
哈布薩朗郭勒木素爾郭勒阿克蘇郭勒托什干達里
雅經流環抱於三城之間而阿克蘇城為尤大實為回
部中扼要之地北踰木素爾鄂拉路通準部高峯峻阪
人艱登涉是曰雪山亦曰白山冬夏積雪
不消千里同縞木素爾謂冰蓋回語也

百十名城儼畫區就中疏勒有遺都東趨烏什如瓠建

松塔崎嶇亦坦途右天山南路之喀什噶爾烏什諸屬
回部名城不一而喀什噶爾為之

冠西屏葱嶺東引長河蓋疏勒之遺都也漢班超經營於此者數十年其東為烏什城亦山南諸境適中扼要地今則磐藁楨中之迹已消而兜題安國之風胥化矣松塔什塔克由喀什噶爾至烏什中塗也

葉爾羌原枕極西遙看葱嶺插天低蒲梢會此從東道

豈但茗華入歲齋右天山南路之葉爾羌屬西域以葱嶺為西屏葱嶺之東南北名城相望

望有若對待而葉爾羌地近南山左接和闐右臨疏勒境尤寬廣漢代莎車王賢建國地也襟帶之間得古皮

山渠莎西夜子合諸地左右毗連遺墟可指要以葉爾羌為極西門戶西通布魯特巴達克山諸蕃部葉爾羌

以地近和闐產玉歲時人貢

璇源玉隴湖巔涯和闐之玉或采於山或撈於水山之材大而瑕水之材小而精玉隴和闐

采玉處地名也喀瑪還聞追琢佳金勒

天章記綏靖雲龍寶甕上瑤階右天山南路之和闐屬漢自敦煌西南行為

南道通于闐晉魏以降南道阻絕唐時號為積尾設毗莎鎮其地即今和闐也於回部中為最南境而南山之

南地通西藏聯南北為一家由是湖崑崙之古源尋樹枝之舊脈星軛絡繹玉石分羅非同博望西馳粗傳厓

畧矣喀瑪回中巧匠名元時人

玉茲三部擾而馴裨小諸王內面親凹凸圖中看獻馬

萬年壽穀頌

皇仁右左右哈薩克部哈薩克處西域之西北境無城郭宮室以畜牧為業寇鈔為資倏忽往來不常

厥處左部羣山四抱山泉濬發迴環合沓頗占形勝右部西踰沙磧長河亘帶視左部為尤荒遠以今證古左部當屬康居舊壤右部已涉大宛之北境聲教素隔今皆類首內面哈薩克有三玉茲曰鄂圖爾玉茲屬左部曰烏拉克玉茲奇齊克玉茲屬右部有別部偏西與奇齊克玉茲偕來者曰烏爾根齊部哈薩克未歸之前會來獻馬上命西洋人郎世寧為圖

東西布魯似屯雲錯壤仍看部落分王會自來圖不到

卻從塞種證遺聞

右東西布魯特部 東西布魯特附天山葱嶺而居言語服飾與山南諸部異逐水草事游牧舊介準噶爾哈薩克之間視其興衰以為叛服不常所屬也東西部境地鄰接由喀什噶爾北行經鄂什踰山則正其錯壤處邨林河源出焉北與安集延諸部接在古則烏孫昆莫西走月氏之地也

漢書稱大月氏西君大夏塞王南君罽賓塞種則往往分散為數國是在當時為塞種今則回部別種云

踰北參差列數城大宛遺迹儼分明當年漢使真空到

屬邑曾無一紀名

右霍罕安集延瑪爾噶朗邨木干塔什罕諸部 漢自北道西踰葱嶺出大宛今霍罕諸部當葱嶺西北麓與右部哈薩克接應屬漢大宛地史記稱大宛屬邑大小七十餘城今自霍罕左右諸部北抵右哈薩克境內城堡星羅與游牧逐水草者殊異固即大宛土著舊俗也考諸部方位安集延最東其西為瑪爾噶朗為霍罕北為邨木干又西為塔什罕貳師遺迹宜在於此

烏耗難兜約畧推貉裘猿飲石門開象胥格磔煩傳語

重譯中還重譯來

右巴達克山博洛爾布哈爾諸部葱嶺之中岡巒迴互其間部落錯處

史傳所稱累石為室民接手猿飲者往往而是巴達克山部居葱嶺中最東境博洛爾近鄰東鄙於漢當統為烏耗國布哈爾介其西於漢當為難兜國唐於葱嶺置守捉為極邊戍宜亦在此由其地東北行近葉爾羌顧其習俗語言又不能無異蓋為回部別種之近西者山南回部習帕爾奇語巴達克山諸部別習帕爾西語必重數譯而後能通按巴達克山元史訛為巴達哈傷明史訛為八答黑商今俱更正

早聞四駿厠飛黃琛賚頻頻貢

上方偏是痕都工刻楮天球陳寶共輝光

右愛烏罕痕都斯坦巴勒

提諸部由巴達克山西南行有部曰愛烏罕東南為痕都斯坦部俱葱嶺外大國又東為巴勒提或亦漢屬賓地也境內崇山四圍長河襟帶濱河城堡相望自巴達克山內附後亦傾心向化痕都斯坦東境直西藏之

西愛烏罕西境濱海為西境極西徼云

御製有愛

烏罕四駿詩痕都斯坦所貢玉器盤碗杯盃無所不有質薄如紙紋細如髮疑於鬼工羣見御製詩

北庭都護各分符戎索開成益地圖鑿汗已除留贊普

判銓流外列簪裾

新疆自設鎮開屯分遣重臣瓜期迭代曰伊犁將軍曰烏魯木齊都統其

尤重者也其餘曰辦事大臣參贊大臣領隊大臣皆專制一方統理諸務至準噶爾舊制有四衛拉特二十四鄂托克九集賽二十一昂吉之名四衛拉特分統準噶爾全部皆有大台吉主之亦稱汗餘小台吉皆汗之宗屬為之鄂托克為汗之屬昂吉為各台吉之屬鄂托克游牧之地環於伊犁昂吉游牧又環之鄂托克視八旗都統昂吉視外省督撫昂吉準語部分也集賽專理喇嘛事亦各領以宰桑當芟夷蘊崇之後制度一新其事

皆不復傲行矣唯回部自二酋授首諸城伯克望風內附爰仍舊號如阿奇木噶納齊以下釐以中朝之品級而授職如故自三品至七品量材簡授其詔祿之制以授地為差三品伯克員給二百帕特瑪籽種地畝種地人百名其餘以次遞殺官有大小悉自慶為王人非復前世請封置吏與戊己骨都僅存虛號者比也

左右賢分舊制疆甘泉遞覲拜
天章自從璽紱

皇朝授不是當年犁汗王

準噶爾四衛拉特者都爾伯特綽羅斯輝特和碩特也乾隆

癸酉冬都爾伯特首先納土為諸部倡嗣是而綽羅斯輝特和碩特集虜至衛拉全疆統歸涵宥迨乾隆辛卯土爾扈特部復自西北萬里外率屬偕來由是準部民人無一不隸我版籍矣諸台吉等列爵分符光榮

帶礪其列爵之次日和碩親王多羅郡王多羅貝勒固山貝子鎮國公輔國公凡六等有賜留汗號者視王爵為倍

瓦刺提封盡入邊 衛拉明史 新藩瞻謁到伊綿拘彌紀

載多荒畧世系翻邀

御筆傳

舊稱四衛拉特者蓋指都爾伯特和碩綽羅斯土爾扈特四姓以為言因土爾扈特當巴圖魯

渾台吉時北徙俄羅斯之額濟勒故附以輝特而稱四衛拉特其實土爾扈特乃故準部也辛卯土爾扈特汗渥巴錫等欵附來朝宴觀於木蘭圍中之伊蘇谷其遷徙分合以及世系源流備詳

種出烏孫本四家未應聲教限羅義 俄羅斯一 歸降歸

順皆奴隸定遠何煩一矢加考準部厄魯特四姓稱四衛拉特者於漢屬匈奴右地及烏孫車師於唐為突厥沙陀其時但虛錫封號未嘗臣僕之

率先歸附自員渠帶礪

恩叨世不虛忠耿一心常捧日看他攜貳入誅鋤右都爾伯

特部 都爾伯特汗策凌於乾隆甲戌年首先內附其嗣至之綽羅斯汗噶爾藏多爾濟和碩特汗沙克多爾曼濟輝特汗巴雅爾雖亦同時封汗旋因攜貳自即誅夷汗號並除獨都爾伯特一部忠謹自保授為扎薩克移其部於阿勒坦承襲罔替云

依人窮鳥忽飛翻重作降王得備藩麟閣書勳來後俊

信圭承寵錫便蕃右綽羅斯部 綽羅斯台吉噶爾藏多爾濟受封後旋為叛者所殺其後

達瓦齊俘至以其未抗顏行仍令備藩京邸維時薩拉爾者以計時早歸並以軍功自効封為超勇伯在五十年功臣列圖形 紫光皆異數外藩錫封無伯爵

不將仁義自漸摩驕蹇誰能避譴訶應悔夜郎空倨大

妖瞞亂領人

天戈右和碩特部 自沙克都爾曼濟投誠封汗 命為盟長居全部於巴爾庫勒其子亦並邀封賚乃不知感德効忠旋萌異志自取誅夷平定後公格納噶等仍酌予貝勒公列爵有差

雙親王爵沐殊榮却向潢池盜弄兵掃蕩不留餘孽在

栽培傾覆理分明

右輝特部 輝特部台吉阿睦爾撒 納於乾隆十九年來歸封為雙親王

其後負

恩背叛旋伏

冥誅平定後無復遺孽

通貢會來拜建章

渥巴錫之父先於乾隆丙子年 小昆 假道俄羅斯遣使奉貢來朝

彌學雁隨陽皈依

壽佛知無量不但思歸望故鄉

右土爾扈特部 土爾扈特為舊四衛拉特之

一其汗和鄂爾勒克當巴圖魯渾台吉時與三衛拉特不和率屬徙去居俄羅斯之額濟勒地其地南限哈薩克東阻俄羅斯久慕 國家聲教不得通且俄羅斯素不奉佛土爾扈特在彼俗尚不同聞伊犁黃教振興思歸故土又聞前此投誠諸部得膺封爵樂業安居尤生欣羨乾隆三十六年其汗渥巴錫等遂決計棄其游牧

率所部三萬餘戶行八閱月經萬有餘里款關來附

命加優卹封賚有差列爵視都爾伯特諸部云

焉耆頡利幾單于詔祿中朝古所無置爵從新稽典屬

通名何必藉臚句

回部向惟青吉斯稱汗餘則概稱和卓無王公諸爵今以 聖化遐敷

天方來格舊藩新部並列冠裳其汗歲俸銀二千五百兩幣四十親王歲俸銀二千兩幣二十五皆得自置屬護衛長史以及四五品典儀均得用花翎藍翎其下貝勒貝子公遞殺有差凡給雙親王俸者官屬亦倍增其世子歲俸銀一千五百兩幣二十餘扎薩克碩等台吉皆給歲俸銀一百兩幣四官屬不具不在列爵之數其準部汗王以下俸亦視此

哈密圖經鄯善通時承累洽

化尾鴻顛顛髮鏤膺

毗寄一例馳驅世篤忠

右哈密屬 哈密回部伯克額貝多勒拉於康熙五十三年內

附居哈密其明年以擒獻準噶爾逆酋論功授一等扎薩克編旗分視蒙古世効忠欵其後玉素富於西師之役從征有勞遂命駐守烏什繼復駐防新疆不惟世爵叨榮倚任亦綦重也

土魯番原舊欵關從征有客握刀環凌烟毛髮何生動

自致功名褒鄂間

右土魯番屬 土魯番回酋額敏和卓於雍正初年避準噶爾侵擾內移

瓜州在今安西府敦煌縣地乾隆十九年以從征有勞由公爵晉為郡王圖形 紫光閣

烏什諸城近屬賓輪誠葉護未遠巡狼心已逐鴟音革

朱轂長安度好春

右烏什屬 烏什阿奇木伯克霍集斯故為回部中望族於乾隆二十年

王師抵伊犁時與伯克鄂對等同時歸順其後為小和卓木所逼遷延觀望及我師進討復攜眾獻城堅心降附其後屢立戰功因邀封爵今但備藩京邸弗假事權保全終始云

講射敦書聚子襟干城樸械化駸駸行看竹筆銅刀侶

也欲題名到上林

準部削竹為筆長四寸上濶下銳取墨以髮帚以作字謂之烏珠克回部

鍊銅為刀其形彎至頭而愈昂謂之克凌齊西域土風剛勁詩書羽籥之盛渺乎未有聞焉今巴爾庫勒烏魯木齊諸境慕化嚮風漸興文教既立郡縣遂有文武生員或附進額於安西或置義塾於寧邊學校之政以次備而

雷音千佛起何時山號鳴沙果亦奇集古錄中參闕軼

揚來蟬翼太賓碑鳴沙山在敦煌縣南十里積沙所成而峯巒峭削踰於石山四面皆沙隴

背如刀刃人登之即鳴隨足墮落經宿風吹輒復如故天氣清朗時沙鳴聞於城內其西即禹貢所謂餘波入于流沙者也其東有千佛洞雷音寺不詳何代所建並有唐朝散大夫鄭王府諮議隴西李太賓碑

打阪山邊更有山唐碑穹峙據辱顏開疆可笑姜行本

妄欲銘勳寶馬間自哈密東北行五十里即山南入嶺處名庫舍圖達巴俗名打阪打阪即

達巴之轉音也其上有唐左屯衛將軍姜行本紀功碑其文有匈奴未滅寶將軍勒燕然之功闔越未清馬伏波樹銅柱

之績語

野合桑中世作汗準噶爾李汗背正妻與他婦野合生子婦棄之澤中李汗收養之其後長

大遂嗣統厥部世不絕云魯台訛譯史重刊額魯特別出有元阿魯

為額魯特云有元苗裔華風在也解尊名諱脫歡衛拉特始祖為脫歡

大師蒙古語舊稱釜為脫歡今準人避祖諱改稱釜為海蘇

瑪哈沁已作編民蒙古以貧無賴覓食者為瑪哈沁伊犁平後多逃藏山谷間擾害行旅乾隆二十五年于伊犁編設額魯特旗分招徠撫恤許其

悔罪自新今教育有年風移俗化亦無復向時瑪哈沁矣黍麥年來滿塞屯準地於五穀之屬有黍大小麥紅

亦間有稻米其性如粳而不黏紅

柳孩藏山谷靜不教落日恐行人烏魯木齊深山中每當紅柳發生時有名

三州府志

紅柳孩者長僅一二尺許好結柳葉為冠赤身跳躍山谷間人捉獲之則不食而死蓋亦猩猩之屬也

人傳釋種教稱黃黃教以宗喀巴為始祖其流派或即漢時塞種顏師古注以塞種為釋種

則其奉佛之俗由來久矣宗喀薪傳又幾牀蒙古語以喇嘛坐牀者為西勒圖學佛

不會知五戒露髻列拜向都綱額魯特尊尚黃教凡決疑定計必咨於喇嘛而

後行自台吉率眾以下頂禮膜拜得其一撫摩一接手以為大福禮拜之儀眾喇嘛偏袒脫禪露肩及髻以為

敬人生六七歲即令識喇嘛字誦喇嘛經病則先延喇嘛諷經然後服藥若大台吉有事諷經則其下爭輸貨

物於喇嘛以為禮都綱者眾喇嘛聚而諷經之室也

何須耕種論肥磽千足牛羊儘富饒卻怪貧人好生計

乳茶入腹不愁枵準部不乏泉甘土肥之地而不尚耕作以畜牧為業問富強者數畜以對

飢食其肉渴飲其酪寒衣其皮馳驅資其用無一不取給於牲欲粒食則因痕於回部回人苦其鈔掠歲賦以

粟然所賦僅供酋豪饘粥其達官貴人夏食酪漿酸乳冬食牛羊肉貧人則但食乳茶亦足度日畜牧之外歲

以熬茶西藏為要務

人從日出拜光天北史突厥傳其俗穹廬牙帳皆東開蓋敬日之所出也牙帳東

開準噶爾方位之名以東為南以南為西以西為北北為東東彼處戶東向者即內地之南向北史突厥傳之所

謂東開者其布錦聯準語都爾布錦者以羊毛織成制同內地之坐褥木七樺

燈準俗知用椀而不知用箸其飲食皆用七七之制大小不同以木與皮為之其地有樹如樺準人取其油

以為燈 陳玉醴 準俗於四月馬潼新得時置筵 皮囊取

醉賀新年 準人縫皮為袋中盛牲乳束其

梵咒旗旛卷碧綃 準部台吉宰桑皆建旗纛或以綠緞

其土謂遇風展動 駕駝施礮舊天驕 準語曰包者即礮

則種福與諷誦等 駝背以 寶權大慶歸

皇極 者定後準部寶器悉歸俘獲獻入 尙方有鐵章

所謂寶權大慶王也蓋自策妄阿拉布坦時乞自達賴

喇嘛用梵書刻印錫子以為準噶爾世傳之器今則嘉

祥識在天朝 金印圓隨鋒鏘銷 台吉之印其形圓範金為之

銀或以銅鐵錫五金備用 各視其職掌以為差等云

舞分軟健肆旄人 周官旄人掌教夷樂唐開元 門右西

儉抱器陳 古者四夷之樂用陳門右宋王延德高昌

格揚聲宜佛力布圖編曲頌

皇仁 準部系由元臣樂音與蒙古相近大抵以絲為主

而竹附之其鼓曰鑑格爾格者喇嘛誦經所用有

曲日遜雅布圖達爾者皆 頌禱之詞歡會宴飲所用

錦袍右衽燦金鑲 準部之拉布錫克即袍也台吉用錦

之賤者多用綠色禦冬無棉以駝毛為絮名庫絀亦有

止衣羊皮者皆右衽平袖四圍連紉男子衣不鑲邊婦

衣用棉繡兩肩兩袖及交襟續衽處紫帽紅靴嫁宰桑

鑲以金花其民婦則以染色皮鑲之其冠無冬夏之別但以毛質厚薄為差白氈為裏外飾

以皮貧者飾以氈或染紫綠色其頂高其邊平畧如內地暖帽而綴纓止及其帽之半婦人冠與男子同台吉

靴以紅香牛皮為之中嵌鹿皮刺以文繡宰桑用紅香牛皮不嵌不繡民人穿衣履或黑或黃

無敢用紅色者婦人靴制貴賤視其夫嬌曳流蘇長委

地其帶以絲為之端好珠瑟瑟綴新妝婦人辮髮雙垂

垂流蘇其長委地約髮用紅帛在

瑟瑟之屬望若繁星

書繙托忒準噶爾字應中聲阿音額音衣從字母生

十五字頭音百五誤他師古注旁行準噶爾字共十五

音共得一百五音其法直下右行用木筆書

顏師古注漢書謂外裔書皆旁行者非也

四節三哀別紀年唐書堅昆俗謂歲首為茂師哀以三

則日星家珠露撰新編君王置閏當春月踴躍天長潑

水天準俗每歲以元旦及四月八日五月望日十月二

子有踴躍之戲秋月則酋長有馬射之棚長夏則親朋

有馬湏之會三冬則孩穉有潑水之樂積年置閏亦同

中國但不拘月分屆當閏之年則宰桑等請於大台吉

隨意中所欲置閏於某年遇小建之月亦不定無三十

日隨台吉之意而去一日焉自寅至丑每月皆可閏

珠露海

卷之七

七

誦經結髮婦隨夫細馬馱來不用扶珍重證盟羊胛骨

定情昨夜在瓊廬

準俗以羊馬為聘昏之日婿至女門女家諷喇嘛經婿與女共持一羊胛

骨拜天地日月夫婦交結其髮女家為開蒙古包以成婚明日婿先歸別擇日以娶婦新婦乘馬至婿家婿家亦諷喇

麻經

五行葬法豈天真無奈番僧法力神薄俗於今涵

孝治草青時有祭先人

準俗不立喪制死之日其子孫親屬丐延喇嘛諷經檢珠爾亥

書有應五行葬法者則以其法葬如應金葬則置諸山應木葬則懸諸樹應火葬則焚諸火應水葬則沉諸河應土葬則埋諸地如不應五行葬者則撒蒙古包棄尸道傍自亡日起誦經四十九日不殺牲不葺頭有翦髮

以為孝者每忌辰設果食漣乳以祭每遇草青時思其祖父亦酬奠於野

紙帽行遊事可羞教奴短布累奴愁兒郎愛馬偷騎去

妾貌如花當九牛

準法從軍失伍者冠以紙冠並令妻穿短布衣遊行徇眾盜馬者罰九牛

或九羊九馬給事主無牲畜者則給盜者之妻與事主以償之無妻者鞭誓此準部所行之刑法也

青吉為君派噶師

回部舊汗以青吉斯為第一世為婚同姓轉蕃滋噶派

木巴爾為秉持回教之祖因所生四子俱夭以女妻同祖兄子阿里為妻以傳回教蓋同姓為婚回俗不禁

編年紀載陀犁克

回書中有陀犁克者猶內地之史也千有餘年見

聖時

回回祖國名墨克默德耶在葉爾羌境極西相傳派噶木巴爾自祖國東遷至今山南等處回教始

盛故回部紀年自派噶木巴爾始至乾隆已亥歲共一千一百九十三年矣

有天無佛是回疆俗祀祆神舊史詳回部不信佛唐書西域傳疏勒俗事

祆神按廣韻祆呼煙切音訐說文關中謂天為祆即今回人之所奉天神也

月三年墨克去燒香回人拜天為禮每城設禮拜寺其始生教主曰派噶木巴爾每日對

之誦經五次拜五次拜畢宣讚其儀畧曰至尊至大起

無初了無盡無極無象無比無倫無形無影大造化天

地主兒每當月初生時臣民咸向西號呼而拜其掌教

阿渾每閱七日則為眾誦經祈福一次回部西萬餘里有墨克祖國回人凡終身必親往禮拜一次辦

衰裹糧往返期以三年其貧者資於富人以往

建元莫問幾星躔自度人間大小年正是把齋時候到

葫蘆燈向樹頭燃回部以教主始生之間為元年閱一歲則加一年雖汗新立亦不改元刻

年數於汗之印上以為識云可傳之無窮每三百六十

日為一年不增不減故每四年而餘二十一日四十年

而餘七月四百八十年而餘七年矣滿三百六十日為

一年者謂之大年大年第一日如中國之元旦伯克戎

衰向教主齋前行禮大小相慶賀先期三十日必把齋

不茹葷不殺牲把齋者俱日出而閉關星見而後開齋

其大年之前十五日相傳謂教主下降察人間善惡男

婦舉家誦經不寢達旦懸葫蘆燈於樹頭油盡燈落則

踏破之以是為破除一切災咎云元旦後

七十日為小年殺羔祭天餘事如大年例

回書旁注宛蟲窠音愛里普音之木音圓轉似螺按回音凡音二

字三字四五字者單字連文由互化諧聲會意乳孳多

皆合讀成一音

左

戰后係

王合墓

芳龍亭

用國中

平噶爾接壤而其書特異其字書名阿里卜凡
字頭或兼數音而成一字或聯數字而成一音
半字法化連字法凡字上加乙則成重讀正音
字上加△則數字相連隨時配合成音大畧總

刻畫工

回地歷代教主墓前多樹碑石大書
深刻與內地無異惟不事墨榻流傳

和通技本擅雕蟲

準噶爾呼回人為和通和
通性巧最善雕刻之技

真堪惜漢字迴文出洞中

庫車山中有漢字
石刻方徑尺許用

皆釋典中語疑是唐時
書人姓氏緣起無考

九府泉

漢武帝時公卿請鑄官錢赤仄一以
當五官用非赤仄不得行如淳注謂

郭今回部錢全用紅
為郭郭猶古赤仄意也

佉盧回字幕文鐫乾隆

外元祐堪噴議鐵錢

舊以準部強而回部弱
回人服屬於準噶爾歲

人準人賴以為用其錢制小而厚圓臍而首
無方孔面鑄準部台吉之名背附回子凡台吉

初仍舊式後改如內地而鑄乾隆通寶漢字
入初仍舊式後改如內地而鑄乾隆通寶漢字

地名附於背更定每一普爾重一錢二分幕
四字者從其俗也回地以一錢為一普爾每一

一分初以五十普爾為一騰格直銀一兩凡
一二十兩銀甚賤而錢極貴自奢定二十餘年

近以百普爾為一騰格直銀一兩功合回人
額銅即于其地分撥各局兼于其地開山採

鑄無事內地運銅宋蘇軾議於邊地行使
時中國銅少而外域之銅不登天府故也

卷之七

七

龍護塔

巖唐

門宋

巖

東四

里石

巖唐

巖

二字

十餘

十餘

十餘

五旦 五旦七調與中華五均七音之旨相合蓋雙絃其

回部樂器九音皆備以華譯之旦即均也 有喀爾奈者狀類洋琴凡十八絃惟應和多天方新唱

第一單絃自第二至第八皆雙其絃 陋摩訶鐵腔鼓裏 行鼓以鐵為腔旨以革 吹蘆哨 有器

角而水管木管上安銅管銅管上 珠魯翻成朱鷺歌 魯

安蘆哨而口吹之此回樂鼓吹也 彼處曲名蓋亦馬鼓吹之詞也

度索尋橦絕伎兼 御製回人繩伎詩序 部分雙引

到重檐錦欄紅袿躑躑舞巧赴綱絲昔昔鹽 文獻通考

鼓等十種為一部隋唐以備燕樂其曲有昔昔鹽一臺 鹽之類今回部樂音自平定後隸在樂官每三大節筵

宴高麗國俳呈伎之後回人奏伎司舞二人舞盤二人

皆服背褂錦腰襖綱接袖衣冠錦面倭緞緣邊回回帽

著青緞靴繫絲綱帶於樂作後即上司舞二人起舞舞

盤二人隨舞舞畢次呈雜伎大回子四人皆服背褂上

身雜色綱下身接袖衣冠五色綱回回小帽小回子二

人服雜色綱絹衣冠五色綱回回小帽走索尋橦百戲

具陳樂止乃下

硝磺棉米產分區不止葡萄入歲租麟趾裏號

詩志瑞金三品獨賤銀鏤 準回兩部自入版圖輸租請

花硝磺紅花等物不一皆為定額惟回地以銅為貴以

銀為賤黃金則其地所出亦入土貢昔漢武帝幸回中

下詔言封岱時見西域金氣之祥因鑄麟趾裏號以示

後世乾隆庚辰歲命以回部貢金仿鑄麟趾裏號有

御製紀事
詩並序

餞金吉語繞蔓螭典故縉從眉哩時

師還俘獲噉嚙芻蓋貯漿器也范銅

而金銀錯其文皆旁行回字不可識令阿渾譯之則云元時有汗曰眉哩特木爾世居伊楞令其地良匠喀瑪爾所造銘文皆祝嘏之詞跟肘辨來迷噶愛始知彼國

有冰斯

內府舊藏唐銅器一似豆而短足亦以金銀為文令吐魯番哈密回子辨之惟識噶愛兩字餘

皆不識蓋彼經亦有今古之異人不能盡識也

讞刑灌水似鞭蒲懸架懲奸法外殊怪底兒童齊拍手

官人入市倒騎驢

回部鞫囚之法仰臥犯者于地以水灌之或縛置高處令足不著地而以

繩勒其腹不服則鞭其腰又不服則別其足甚則囚之地牢即吐實定讞設木架於市懸以示眾至三日無不死者職官有犯則以墨塗其面令倒騎驢入市示眾以辱之

也道居喪不著緋墨衰聊用布為衣不愁今歲寒無帽

新向墳頭送葬歸

回俗居喪無服制但去紅綠著黑布而已人死殯之以無底棺椁上所覆

網緞以分致送葬者為小帽

連襟報諾便烹羊教主前頭設誓長綠琰昇來扶上馬

嬌羞未肯拜姑章

回俗婿家邀媒氏至女家以連襟為詞未敢質言議昏既報可則烹一羊

藉之以網覆之以被送女家為定前娶之三日婿宿女家而不入內至第三日女家延阿渾誦經婿設誓於教

主前女無大故不敢陵虐乃坐女於瓊琰四人昇以出門抱以上馬至家先拜竈神澆油於竈門然後入房不即拜姑也或年歲或經年婿之卑幼入房去新婦障面始出拜舅姑焉

峩冠五寸髮垂垂無卸貂褕稱意披倭墮鴛哥回語婦人為鴛

哥好妝束絳幃雙枕燦金絲回部煖帽頂高五寸邊寬前後獨銳各五寸貴者用

貂帽紅色織花繡紋而不綴纓婦人帽頂尖圓中腰稍細形若葫蘆之半辮髮雙垂束以紅帛不用珠綴其曰托恩者袍也領無卸袖平不鑲四圍連紉貴者用錦繡冬用貂枕之制畧如內地多用金絲緞且以兩枕疊而用之幃帳或青或紅與內地同

小雅詩傳考牧篇儗儗有唱譜新編阿誰慣打雞婁鼓

與我同搗馬尾絃準回諸部樂器多以馬尾為絃無用

亦間有皮絃者

三州真界
卷之七
樂

禮周穆王見西王母樂而忘歸謂此山也括地志元和
郡縣志輿地廣記太平寰輿記並云昆侖山在酒泉縣
西南八十里是矣杜佑通典云吐番自言昆侖山在國
中西南河之所出唐書吐番傳云劉元鼎使還言自湟
水入河處西南行二千三百里有紫山直大羊同國古
所謂昆侖虜曰閼摩黎山東距長安五千里在今西海
界一統志今黃河發源之處雖有三山而其最西而大
真源所在者巴顏喀喇也東北去西寧邊外一千四

百五十五里延袤約千餘里山不極峻而地勢甚高自
查靈鄂靈二海子之西以漸而高登至三百里始抵其
下山脈自金沙江發源之犁石山蜿蜒東來結爲此山
自此分支向北層岡疊嶂直抵嘉峪關東趨大雪山至
西寧邊東北達甘肅涼州以南大小諸山並黃河南岸
至西傾山抵河洮階諸州至四川松潘口諸山河源其
東而其枝幹盤繞黃河西岸勢相連屬蒙古槩名之曰
枯爾坤枯爾坤華言昆侖也益可知自賀諾木爾至葉

爾羌以及西海之枯爾坤縣延東北千五百里至嘉峪關以迄西寧皆昆侖山也華言或云敦薨之山或名葱嶺山或名于闐南山或名紫山或名白山或名天山或名大雪山或名酒泉南山又有大昆侖小昆侖昆侖邱昆侖墟諸異名譯言則名阿耨達山又云閱摩黎山又名騰七里塔又名麻琿刺山又名枯爾坤其實皆一山也善乎馬岌之言曰酒泉南山即昆侖之體明昆侖山首在西域而其體則緜亘漢敦煌

漢書地理志敦煌酒郡廣志有昆侖障

泉金城等郡界穆天子傳爾雅以及史記漢書所言昆侖皆指今酒泉南山及臨羌大雪山而言不遠迹至于闐葉爾羌以及先零燒當等境也禹貢所言昆侖析支渠搜亦當去雍州不遠昆侖國蓋因附近昆侖山而名今攷水經注引涼土異物志葱嶺之水分流東西東為河源禹紀所謂昆侖山者是也是葱嶺名昆侖之證漢書張騫傳天子按古圖書名河所出為昆侖山即指今于闐南山是于闐南山名昆侖之證唐書吐蕃傳其南

三州輶轡 卷之七
三百里三山中高而四下曰紫山直大羊同國古所謂
昆侖者也是紫山名昆侖之證元史河源附錄云吐番
朶甘思東北有大雪山亦名麻不莫刺其山最高譯言
騰七里塔卽昆侖也是大雪山名昆侖之證馬岌言酒
泉南山爲昆侖之體是酒泉南山爲昆侖之證總之昆
侖者人之首昆侖山者山之首亦地之首故以爲名河
圖括地象云昆侖山爲地首是也今攷南山自西域至
酒泉金城實皆南條諸山之首故可總名爲昆侖此山
邈迤至雍州境卽爲太乙終南諸山山名終南名塞外
之南山至此已終也

西海釋

吾家容齋隨筆以爲四海一也無所謂西海其實不然
山海經海外大荒經云西海之南流沙之濱有大山名
曰昆侖漢書西域傳云于闐之西水皆西流注西海水
經注引涼土異物志云葱嶺之水分流東西西入大海
大海卽西海與西域傳畧同又引康泰扶南傳云恒水

之源乃極西北出昆侖山中有五大源枝扈離大江出
山西北流東南注大海又引法顯云恒水又東到多摩
犁鞞國卽海口云海口卽西海口也班固西域傳犁鞞
條支國臨西海范蔚宗西域傳論云甘英臨西海以望
大秦晉書安息天竺人與大秦國交市海中又云鄰國
使到者途經大海海水不可食杜佑通典大秦國卽拂菻
在西海之西亦云海西國此西海之見於唐以前史傳
者若以近今證之葉爾欽卽古于闐國西域聞見錄葉

爾欽西行六十餘日至克食米爾克食米爾復西南行
四十餘日至温都斯坦水亦可通云云又云温都斯坦
其地之江河皆通海洋時有閩廣海航到彼停泊是西
海卽在温都斯坦之西東西南北之海無不通故西海
中亦時有閩廣航到也所云葉爾欽水可通温都斯坦
又可證西域傳于闐之西水皆西流注西海矣余遣成
伊犁親遇温都斯坦人以筆詢其曲折甚悉土人又云
喀什噶爾連界有阿諦國在西海之濱而一統志于榜

葛刺拂株古里柯枝錫蘭山西洋瑣里諸國下皆云在
西海中又可知昆侖之西實有西海與東南北三面之
海並通非荒遠浩渺無所指實者可比矣蓋西海有泛
言者漢書王莽立西海郡在今青海續漢志建安末以
張掖居延屬國置西海郡歐陽志輿地志北庭大都護
下有西海縣云唐寶應二年置等是也有土俗名爲西
海而實非西海者禹貢山水澤地記谷水出姑臧南山
北至武威入海屈此水流兩分一水北入休屠澤俗謂

之西海水經注又云敦薨之水自西海遙尉犁國去都
護治所二百里此西海卽鹽澤一名黝澤水經稱爲蒲
昌海等是也容齋又疑西海卽蒲昌海亦非是有實言
西海所在者前後漢書西域傳及山海經水經注以迄
上文所稱異物志扶南傳及一統志西域聞見錄等所
述是也或又難余曰故書言河源上通天漢則河源當
在地之極西今旣言實有西海則河源在西海之外乎
西海之內乎曰河源介西海之南淮南子墜形訓可證

矣云河出昆侖東北阨貫勃海入禹貢所導積石山高
誘注勃海大海也河水自昆侖由地中行書曰導河積
石入猶出也蓋河水伏流自積石山始出耳故漢書西
域傳云于闐之西水皆西流注西海其東水東流注鹽
澤河源出焉下語極有斟酌不言水東流注黃河而云
注鹽澤河源出焉者明從此以上河皆伏流不礙于闐
以西之水注西海也是黃河又伏流於西海之下與濟
水之伏流於河水下等耳南宋疆域旣臧臯蘭以外卽
如異域又何况萬里外之葉爾欽温都斯坦等乎此則
校容齋隨筆又未嘗不首欽

昭代輿圖之廣得以目驗口述者證前人所未及也

長流水關神武廟碑記

人有代謝神亦有代謝神代謝者若周之杜主漢之城
陽景王漢末蔣子文諸人是也惟忠義之氣塞天地者
則歷百世如一日焉神武與唐之張許宋之岳忠武是
矣而神武廟尤徧天下己未歲余以罪戍伊犁出嘉峪

關抵惠遠城東西六千餘里所過鎮堡城戍人戶衆者多僅百家少則十家六七家不等然必有廟廟必祀神武廟兩壁必繪二神一署曰平神武子也見裴松之注所引署記一署曰周倉則宋以前悉無可考僅見於元人所作演義神其說者或云近世山西人掘地得周墓有石碣焉亦附會不足信吾鄉有里儒撰神武世系據吳志魯肅傳云爭荊州日坐有一人云云遂定爲周倉夫陳壽固未嘗標姓名則百世下何由知之此真里儒

之見矣余前奉使貴州過鎮寧州關索嶺嶺有廟香火極盛土人及方志皆云神武子也正與周倉事相類並不足信神本諡壯繆 本朝定諡神武余蒙 恩赦回過長流水值里人欲新神廟乞爲記其壁如左云

天山贊

自涼州以西抵伊犁凡七千餘里地勢積高天形轉下其橫亘南北界畫中外戴雪萬仞排雲百重半嶺以上靈禽不飛百步之外晴霞尙炫者皆爲天山亦名雪山

北人所呼爲祁連山也夫天者特積氣耳今祁連諸峯
尚有出積氣之上者又况外則積鹵中藏秀靈松栢芝
菌延年養生之藥無一不備寒暄晝夜風雨晴晦之節
與外適殊懸溜飛瀑高逾石門雲液石乳百倍天目而
世人不之知逸客不之訪者豈非以徑路絕遠逾流沙
瀚海火山風穴之險始足以盡其奇耶且漢世雖嘗通
西北國矣然票騎浞野挺劍持戟旣無意於搜奇博望
定遠鑿空進執亦不期於攬勝是則天地之奇山川之

秀寧不待千百載後懷奇負異之士或因行役而過或
以遷謫而至者一發其底蘊乎夫太華太室僅中土之
奧區南條北條又此山之支絡爰爲之贊曰

積高惟天誰能企焉抗不相讓實惟祁連首沐塔里足
排居延萬古積雪無人及巔其標挺外其秀貯腹松滿
撐柱高出若木我登支峯意欲濯足洪流洶洶斜出飛

瀑

瀚海贊

自嘉峪關以外皆屬戈壁古云瀚海亦曰流沙亦曰大漠亦曰鹽磧今畧計之玉門敦煌安西哈密巴里坤奇台古城濟木薩阜康烏魯木齊瑪納斯呼圖壁綏來精河伊犁之頭台二台三台以迄鎮堡所在三道溝疏勒泉格子敦長流水松樹塘菩薩溝肋巴泉三個泉木壘河安濟海滋泥泉四十里井蘆草溝等有水草者不過二十餘處餘皆戈壁也平沙漫漫寸土不入極目千里殊無遁形陰陽未分霜雪不積禽畜則四足二足以上

草木則一寸二寸以下飛鳴杳然萌蘖頓絕水草則遠至三百里五百里方可負汲程途則久至二十日三十日亦皆露宿甚則怪火時出光逾日星陰風倏來勢撼天地鳴沙逐人則迅雷無其厲也飛石擊客則霜刃無其銛也嗚呼此亦天之所以限中外而域南北乎蓋凡不火食而露處前後至六十日方抵戍所爰爲之贊曰沙行如龍極乎天表負昆侖山負絕而杳冥冥日月有暗無曉人行着沙如螳之小一風排空車軸競飛十里

五里愁無據依白氣周匝元氣盪摩時出丈火曾無勺
波

冰山贊

伊犁之南渡渾河五六百里有冰山焉俗名八達坂爲
適葉爾羌西藏要路其冰一日數拆亦終古莫解高撐
層霄下絕九地能分軫陰陽回轉日月過此坂者必以
子夜人馬半道亦輒聞天傾地裂之聲或竟有陷入無
間者開合旣倏孰癡神奇呼吸未周已判人鬼每星郵

羽檄取道於斯雖蚊行蠃步蛇枉螳擘咸震慄失形回
皇墮魄然舍此以往別無他道若夫風不鳴條月魄晃
朗涉其巔者又輒聞百丈以下絃管絲竹嘈嘈並舉聆
其清聲絕肖子夜或以爲流澌沙石上下搏擊其幽咽
吞吐響或類斯亦卒莫究其奇矣主宿頓者必日撥回
戶二十鑿冰棧冰梯以通過客余偶隨將軍至此旣訝
其靈異又莫測幽隱爰爲之贊曰

陰陽顯晦倏爾萬變飛仙失足亦墮無間冰梢爍日波

末閃電清商夜聆奇鬼晝見危茲達坂高乃百盤南馳
于闐北走大宛洶洶墜隆地軸半拆熖熖爍爍天宇五
色

淨海贊

未至三台有水焉廣濶可五百步深至無底有島嶼無
委輸不生一物不染一塵投以巨細頃刻必漂流上岸
土人稱爲西方淨海譯名賽爾謨淖爾是也余自烏魯
木齊以來盥沐久廢又欲休馬力日步行半程足亦繭

栗驟聆此名殊愧塵垢爰稅駕路側餐白雪以洗心藉
行潦而盥手然後進焉則見百樹之葉隨雲外馳四山
之禽擘霞東邁若有所避不容稍遲心始異之及抵其
境則西南北三面盡皆雪山中波外沙儼欲分界流旣
百折綠若再染怪石林立頽峯斂容晷刻已移心形並
澈歸途則又值仲夏上旬涼風蕭蕭弦月欲落攜此枕
簟坐臥岸側不復就舍館矣山寡別木惟松之竦而上
者岸乏雜草惟莖之罕而圓者塊坐無事因歷數字內

靈山秀壑笠屐所至者或同茲幽奇實遜此邃潔誠西來之異境世外之靈壤矣爰爲之贊曰

雲分電擘山空月華中有綠海旁周素沙奇峯倒影幽草舒芽時飄遠磬時墮空花百步之外靈禽不棲十里以內驚塵詎飛赤日縱炙元霜不墮庶幾成連抱琴來

過

